



北史目錄

齊唐中葉李

延

壽

撰

本紀十二卷

列傳八十八卷

凡一百卷

本紀卷六

北史卷一

北魏本紀第一

北史卷二

北魏本紀第二

北史卷三

乾隆四年校刊

北史目錄

北魏本紀第三

北史卷四

北魏本紀第四

北史卷五

北魏本紀第五

北史卷六

齊本紀上第六

北史卷七

齊本紀中第七

北史卷八

齊本紀下第八

文宣文明皇帝

北史卷九

太延高宗皇帝

周本紀上第九

周文皇帝

北史卷十

周高祖皇帝

周本紀下第十

周世宗皇帝

北史卷十一

周平文皇帝

隋本紀上第十一

隋文帝皇帝

北史卷十二

北隋本紀下第十二

列傳卷十三

乾隆四年校刊

北史目錄

二

北史卷十三

北列傳第平策十二

北史后妃上四

北齊本魏神元皇后竇氏

文帝皇后封氏

北史卷桓皇后惟氏

平文皇后王氏

北周本昭文皇后慕容氏

獻明皇后賀氏

北史卷道武皇后慕容氏

道武宣穆皇后劉氏

北周本明元昭哀皇后姚氏

明元密皇后杜氏

北史卷太武皇后赫連氏

太武敬哀皇后賀氏

北齊本景穆恭皇后郁久闍氏

文成文明皇后馮氏

文成元皇后李氏

獻文思皇后李氏

孝文貞皇后林氏

孝文廢皇后馮氏

孝文幽皇后馮氏

孝文昭皇后高氏

宣武順皇后于氏

宣武皇后高氏

宣武靈皇后胡氏

孝明皇后胡氏

孝武皇后高氏

文帝文皇后乙弗氏

文帝悼皇后郁久闍氏

廢帝皇后宇文氏

北史卷恭帝皇后若采氏

孝靜皇后高氏

北史卷十四

魏魏公主

列傳第三

北史后妃下

北史卷齊武明皇后婁氏

蠕蠕公主郁久閭氏

彭城太妃朱氏小朱氏

主黨太妃韓氏

馮翊太妃鄭氏八閭氏

高陽太妃游氏馮娘李娘

文襄敬皇后元氏琅邪公主

文宣皇后李氏段昭儀

王嬪薛嬪靈皇司時氏

孝昭皇后元氏

武成皇后胡氏氏

弘德李夫人氏

後主皇后斛律氏

後主皇后胡氏氏

後主皇后穆氏氏

馮淑妃皇司燕氏

周文皇后元氏氏

文宣皇后叱奴氏

北史卷孝閔皇后元氏

明皇后獨孤氏

武皇后阿史那氏

武皇后李氏

宣皇后楊氏

宣皇后朱氏

宣皇后陳氏

宣皇后元氏

宣皇后尉遲氏

靜皇后司馬氏

隋文獻皇后獨孤氏

宣華夫人陳氏

容華夫人蔡氏

煬愍皇后蕭氏

北史卷十五列傳第三

列傳第三

魏諸宗室

建德公嬰文

建德公嬰文  
真定侯陸

望都公頽

長樂王壽樂

北史卷十九

順陽公郁辰

六脩

吉陽男比干

江夏公呂敦

高涼王孤

武衛將軍謂

淮陵侯大頭  
扶風公處真

宣河間公齊泥

寔君司馬

秦王翰

常山王遵

五世孫亨

陳留王虔

五世孫暉

毗陵王順

遼西公意烈

窟咄司馬

近皇司馬李

北史卷十八

近皇司馬

列傳第四

王

道武七王

明元六王

太武五王

莫合

北史卷十七

莫合

列傳第五

莫合

北史景穆十二王上

北史卷十八

列傳第六王

景穆十五王下

熹文六王

北史卷十九

乾隆四年校刊

北史目錄

五

北列傳第七

文成五王王

獻文六王

北史卷二十

北史卷二十一

列傳第八

衛操

莫含

北史劉庫仁

弟子羅辰  
羅辰曾孫仁之

尉古真

從立孫瑾

穆崇

氏王

奚斤

叔孫建

王

安同

六王

庾業延

王建

北史羅結

十四

婁伏連

曾孫寶

閻大肥

奚牧

和跋

莫題

賀狄干

李栗

北史奚眷

十三

北史卷二十一

列傳第九

燕鳳

許謙

崔宏

子浩

張袞

弟恂

北史鄧彥海

二

乾隆四年校刊

北史目錄

六

北史卷三十二

列傳第十

長孫嵩

五世孫儉

儉子平

長孫道生

會孫幼晟從祖紹遠

幼會孫熾

熾弟晟

紹遠弟澄

北史長孫肥

北史卷三十三

列傳第十一

于栗磾

孫勁仲文

六世孫謹

謹子寔

寔子顗

于栗磾

義子宣道宣敏

翼子璽

翼弟義

北史卷三十四

列傳第十二

崔暹

子頤孫彧

玄孫罔

休五世孫悛

王憲

曾孫昕晞

晞

封懿

族曾孫回

回子隆之

回族弟述

北史卷三十五

列傳第十三

古弼

張黎

劉潔

丘堆

娥清

伊馱

乙瓌

周幾



豆代田

車伊洛

王洛兒

車路頭

盧魯元

陳建

來大千

宿石

萬安國

周觀

尉撥

陸真

呂洛拔

薛彪子

子琬

尉元

慕容白曜

和其奴

苟頽

宇文福

北史卷二十六

列傳第十四

宋隱

從子愔

愔孫弁

弁孫欽道

弁族弟翻

許彥

五世孫

刁靡

子遵

曾孫冲

柔

辛紹先

韋閔

孫子粲

杜銓

北史卷二十七

列傳第十五

屈遵

張蒲

谷渾

曾孫楷

公孫表

張濟

李先夫

賈彝

竇瑾

李訢

韓延之

袁式

毛脩之

嚴稜  
朱脩之

唐和

寇讚

孫儁

酈範

子道元

韓秀

堯暄

孫雄

柳崇

北史卷二十八

列傳第十六

陸俟

源賀

曾孫彪  
師從叔雄

玄孫師

北史劉尼

薛提

北史卷二十九

列傳第十七

北史司馬休之

司馬楚之

曾孫裔  
司馬叔璠

司馬景之  
司馬天助

劉昶

蕭寶夤

兄子贊

蕭正表

蕭祗

蕭退

蕭泰

蕭撝

蕭圓肅

北史蕭大園

乾隆四年校刊

北史目錄

九

北史卷三十

列傳第十八

盧玄

玄孫思道

昌衡

盧柔

子愷

盧觀

弟仲宣

叔彪

盧同

子斐

兄子景裕

弟辯

盧誕

光

子賁

弟勇

北史卷三十一

列傳第十九

高允

從祖弟祐

祐曾孫德正

祐從子乾

北史卷三十二

列傳第二十三

崔鑒

兄孫伯謙

崔辯

孫士謙

士謙子彭

崔挺

子孝芬

孫宣猷

曾孫仲方

北史卷三十三

列傳第二十一

李靈

曾孫元忠

渾

弟子璨

李順

玄孫元操

李孝伯

兄孫謚

李裔

子子雄

李義深

弟幼廉

北史卷三十四

乾隆四年校刊

北史目錄

北列傳第二十二

游雅 從祖弟明根

高閭

趙逸 兄子琰

胡叟

胡方回

張湛

段承根 宗欽

闕駟

北史劉延明三

趙柔

索敞

宋繇 曾孫遊道

江式

北史卷三十五

列傳第二十三

王慧龍 立孫松年

五世孫劭

鄭羲 孫述祖儼

從曾孫道邕

道邕子譯

北史卷三十六

列傳第二十四

薛辯 五世孫端

端子胄

端從子濬

孝通子道衡

湖子聰

聰子孝通

善弟慎

聰弟子善

薛寘

薛澄

北史卷三十七

列傳第二十五

韓茂

皮豹子

封敕文

呂羅漢

孔伯恭

田益宗

北史孟表

奚康生

楊大眼

崔延伯

李叔仁

北史卷三十八

列傳第二十六

裴駿

從孫敬憲  
從弟安祖

莊伯

裴延儁

裴佗

子讓之  
皇甫和

孫矩

裴果

裴寬

裴俠

子祥

肅

北史裴文舉

裴仁基

北史卷三十九

列傳第二十七

薛安都

劉休賓

北史房法壽

曾孫豹  
族子景伯

立孫彥謙

畢眾敬

曾孫義雲

羊祉

子深  
孫肅  
弟子敦  
孫烈

北史卷四十

列傳第二十八

北史韓麒麟

程駿

李彪

孫昶

高道悅

甄琛

高聰

北史卷四十一

甄琛

列傳第二十九

北史楊播

子侃

逸

播弟椿

椿子昱

椿弟津

津子

楊敷

子素

孫立

感

素弟約

約從叔

異

北史卷四十二

列傳第三十

王肅

劉芳

孫逃  
芳從子懋

北史常爽

北史卷四十三

裴

列傳第三十一

郭祚

張彝

孫晏之

曾孫乾威

邢巒

弟子昕

族孫臧

李崇

從弟平

諧

北史卷四十四

列傳第三十二

崔光

子劼

弟子鴻

崔亮

從弟光韶  
叔祖道固

北史卷四十五

列傳第三十三

裴叔業

夏侯道遷

李元護

席法友

王世弼

江悅之

淳于誕

沈文秀

張讜

李苗

劉藻

傅永

傅豎眼

張烈

李叔彪

路恃慶

房亮

曹世表

潘永基

朱元旭

北史卷四十六

列傳第三十四

孫紹

張普惠

成淹

范紹

劉桃符

鹿念

張燿

劉道斌

北史卷四十七

北史卷四十七

列傳第三十五

袁翻

弟躍

躍子聿脩

陽尼

從孫固

固子休之

固從兄藻

北史賈思伯八

祖瑩

子瑛

北史卷四十八

列傳第三十六

朱榮 子文暢 從子兆 從弟彥伯

世承 榮從父弟度律 榮從祖兄子天光

北史卷四十九

列傳第三十七

朱瑞 叱列延慶

斛斯椿 子徵 孫政 賈顯度 弟智

樊子鵠 侯深

賀拔允 弟勝 勝弟岳 侯莫陳悅

念賢 梁覽

雷紹 四十 毛遐 弟鴻賓

北史卷五十一

北史卷五十一

列傳第三十八

辛雄 族祖琛 琛子術 楊機 王思宗

高道穆 兄謙之 慕儁 公承樂

山偉 王榮 千曆 宇文忠之 千胤

費穆 室蓄王士 孟威

北史卷五十六

乾隆四年校刊

北史目錄

七



北列傳第三十九

齊宗室諸王上

孟夙

山趙郡王琛 子叡

清河王岳 子勵

高廣平公盛

陽州公永樂

辛襄樂王顯國

上洛王思宗 子元海 弟思好

北齊平秦王歸彥 兄子武興 王普

長樂王靈山

北史卷五十二

神武諸子

列傳第四十

齊宗室諸王下

樂賢 弟顯實

番文襄諸子

文宣諸子

鞠孝昭諸子

武成諸子

後主諸子

北史卷五十三

列傳第四十一

万俟普 子洛

可朱渾元

劉豐

破六韓常

金祚

劉貴

蔡儁

韓賢

尉長命

王懷

任祥子子曹

莫多婁貸文子敬顯

庫狄迴洛

庫狄盛

張保洛賀拔仁標子相貴

麴珍段琛尉標封輔相

張豐范舍樂牒舍樂

侯莫陳相

薛孤延

斛律羌舉子孝卿

張瓊四十一

宋顯

北史王則十三

慕容紹宗

叱列平

步大汗薩

薛脩義

慕容儼庫狄伏連

潘樂寶子

彭樂

暴顯

皮景和

綦連猛

元景安

獨孤永業

鮮于世榮

傅伏

張亮

北史卷五十四

張亮

列傳第四十二

刺衣

孫騰四十三

高隆之

非史司馬子如子消難

裴藻兄子膺之

竇泰金子美

尉景

婁昭兄子勳

庫狄干孫子文

乾隆四年校刊

七史目錄

七

韓軌

子光

斛律金

子光 美

段榮

子韶 孝言

北史卷五十五

列傳第四十三

子尚 魏

魏

子尚 魏

高劉

孫奉

陳元康

北史杜弼

房謨

子恭 懿

張纂

張亮

趙起 徐遠

張曜

王峻

王紘

敬顯儁

平鑿

唐邕

白建

元文遙

趙彥深

赫連子悅

馮子琮

朗基

北史卷五十六

列傳第四十四

北史魏收

魏長賢

魏季景

魏蘭根

族子 愷

北史卷五十七

列傳第四十五

黃川公

周宗室

公

乾隆四年校刊

七史目錄

大

邵惠公顥

子什肥 叱羅協

導護 馮遷

杞簡公連

莒莊公洛生

虞國公仲

廣川公測

弟深 深子孝伯

東平公神舉

弟慶

北史卷五十八

列傳第四十六

周室諸王

文帝十三王

孝閔帝一王

明帝三王

武帝六王

宣帝二王

北史卷五十九

列傳第四十七

寇洛

趙貴

從祖兄善

李賢

子詢 弟遠

崇

孫敏 穆子渾

梁禦

子睿

北史卷六十

列傳第四十八

李弼

曾孫密

宇文貴

子忻

愷

侯莫陳崇

子穎 崇兄順

王雄

子謙

北史卷六十六

北列傳第四十九

王盟子勸孫誼

獨孤信子羅

竇熾子榮定兄子毅

賀蘭祥子毗

叱列伏龜八

閻慶子毗

北史史寧子雄祥

權景宣

北史卷六十二

列傳第五十

王羆孫長述

王思政子善

尉遲迥弟綱

綱子運王軌樂運

北史卷六十五

列傳第五十一

周惠達

馮景

蘇綽子威從兄亮

北史卷六十四

列傳第五十二

韋孝寬兄賈賈子世康

韋瑱子師

柳蚪弟檜慶旦慶子機機子述肅從子審之

北史卷六十五

列傳第五十三

北史達奚武

若干惠

列傳卷之九

劉亮惠

北史王德正十三

赫連達

北史韓果十五

蔡祐

常善

辛威

庫狄昌

梁椿

北史梁臺五十二

田弘

子仁恭

孫德懋

北史卷六十六

列傳第五十四

王傑

王勇

北史宇文弼十一

耿豪

高琳

李和

子徹

伊婁穆

達奚寔

劉雄

侯植

北史李延孫十六

韋祐

北史陳欣十八

魏立

泉叅

李遷哲

楊乾運

扶猛

陽雄

席固

北史任果

謝纂

北史卷六十七

乾隆四年校刊

北史目錄

三

北史卷五十五

崔彥穆

楊纂

段永

令狐整

子熙

唐永

子瑾

柳敏

子昂

王士良

北史卷六十八

列傳第五十六

豆盧寧

子勣

孫毓

楊紹

子雄

王雅

子世積

韓雄

子禽

賀若敦

子弼

弟誼

北史卷六十九

列傳第五十七

申徽

陸通

弟逞

庫狄峙

楊荐

王慶

趙剛

子仲卿

趙昶

王悅

趙文表

元定

楊擲

北史卷七十

列傳第五十八

乾隆四年校刊

七史目錄

三

韓褒五十八

趙肅 子軌

北史張軌十

李彥

郭彥

梁昕

皇甫璠 子誕

辛慶之 族子昂

王子直

杜杲

呂思禮

徐招

檀翥

孟信

宗懔

劉璠 子祥 兄子行本

柳遐 子莊

北史卷七十一

列傳第五十九

隋宗室諸王

蔡景王整

滕穆王瓚

道宣王嵩

衛昭王爽

河間王弘

義城公處綱

離石太守子崇

文帝四王

煬帝三子

北史卷七十二

北列傳第六十

高頴林

牛弘

乾隆四年校刊

北史目錄

三



李德林

北史卷七十三

北列傳第六十一

梁士彥

元諧

虞慶則

元胄

達奚長儒

賀婁子幹 兄詮

史萬歲

劉方 馮昱 王擢 楊武通 陳永貴 房兆

杜彥 弟盛 周搖

獨孤楷 弟盛 乞伏慧

張威 六十四 和洪

北史陰壽 子世師 骨儀 楊義臣

北史卷七十四

列傳第六十二

劉昉 柳裘

皇甫績 刺黃 郭衍

張衡 熈 楊汪 蕭

裴蘊 袁充

李雄 馮

北史卷七十五

乾隆四年校刊

北史目錄

三

北列傳第六十二

趙奘

趙芬

王韶

元巖

宇文弼

伊婁謙

李圓通

陳茂

郭榮

龐晃

李安

楊尚希十二

張奘

北史蘇孝慈四

元壽

北史卷七十六

列傳第六十四

段文振

來護兒

樊子蓋

周羅睺

周法尚

衛玄

劉權恭

李景

薛世雄

北史卷七十七

列傳第六十五

北史裴政十八

鮑宏

高構

榮毗

陸知命

梁毗

柳彧

趙綽

杜整

北史卷七十八

李弼

列傳第六十六

北史張定和

張齋

麥鐵杖 沈光

權武

王仁恭

吐萬緒

董純

魚俱羅

王辯

陳稜

趙才

趙才

北史卷七十九

列傳第六十七

宇文述

雲定興 趙行樞 述子化及 司馬德戡 裴虔通

王世充

段達

北史卷八十六

北列傳第六十八

外戚

高祖文皇帝家呂氏

賀訥

姚黃眉

杜超

賀迷

閻毗

馮熙

李惠

高肇

胡國珍

從曾孫長粲

楊騰

乙弗繪

趙猛

胡長仁

隋文帝外家呂氏

北史卷八十八

北列傳第六十九

儒林上

梁越

盧醜

張偉

梁祚

北史卷平恒

陳奇

劉獻之

張吾貴

劉蘭

孫惠蔚

族曾孫靈暉 馬子結

徐遵明

董徵

李業興

子崇祖

李鉉

馮偉

張買奴

劉軌思

鮑季詳

邢峙

劉晝

北史卷馬敬德

子元熙

張景仁

權會

張思伯

乾隆四年校刊

北史目錄

三

張彫武

郭遵

北史卷八十三

張景

列傳第七十

儒林下思

龐暹

沈重

樊深

熊安生

樂遜

辛彥之

何妥

房暉遠

馬光

劉焯

劉炫

褚暉

顧彪

魯世達

張沖

李王孝籍

北史卷八十三

北列傳第七十一

文苑

溫子昇

荀濟

祖鴻勳

李廣

樊遜

荀士遜

王褒

庾信

顏之推

虞世基

乾隆四年校刊

七史目錄

庚

柳晉

弟之類

許善心

李文博

明克讓

劉臻

諸葛穎

王貞燠

虞綽

王胄

兄春

庾自直

文潘徽

常德志 祖君彥

尹武 孔德紹

劉善經 劉斌

北史卷八十四

北列傳第七十二

孝行

長孫慮

乞伏保

孫益德

董洛生

楊引

閻元明

吳悉達

王續生

李顯達

倉跋

張昇

王崇

郭文恭

荆可

秦族

皇甫遐

張元

王頌

弟頌

楊慶

田翼

紐因林

劉仕儁

翟普林

徐孝肅

北史卷八十五

列傳第七十三

節義

于什門

石文德

王玄威

劉渴侯

馬八龍

華秋

段進

汲固

婁提

朱長生

門文愛

晁清

石祖興

王榮世

孫道登

張安祖

郭琰

乙速孤佛保

杜叔毗

游元

楊善會

劉侯仁

邵洪哲

胡小彪

李几

王閻

沓龍超

李棠

劉弘

張須陁

盧楚

乾隆四年校刊

七史目錄

卷

盧楚  
張須陁  
劉弘  
李棠  
沓龍超  
王閻  
李几  
胡小彪  
邵洪哲  
劉侯仁

劉子翊

堯君素

陳孝意  
杜松贊

張季珣

郭世儁

郎方貴

北史卷八十六

陸良

列傳第七十四

李棠

循吏

齊諧

張膺

路邕

閻慶胤

明亮

杜纂

竇瑗

蘇淑

張華原

孟業

蘇瓊

北史卷路去病

梁彥光

樊叔略

公孫景茂

辛公義

柳儉 郭絢

敬肅

劉曠

王伽

魏德深

北史卷八十七

北列傳第七十五

酷吏

王文同

于洛侯

胡泥

李洪之

子神

張赦提

趙霸



崔暹

耶珍

田式

燕榮

元弘嗣

王文同

北史卷八十八

非列傳第七十六

隱逸

睦夸

馮亮

鄭脩

崔廓

子頤

徐則

張文詡

北史卷八十九

列傳第七十七

非史藝術上

晁崇

張深

殷紹

王早

耿玄

劉靈助

沙門靈遠

李順興

檀特師

由吾道榮

顏惡頭

王春

信都芳

宋景業

許遵

麴紹

吳遵世

趙輔和

皇甫玉

解法選

魏寧

綦母懷文

張子信

陸法和

蔣昇

強練

庾季才 子質

盧太翼

耿詢

來和

蕭吉

楊伯醜

臨孝恭

劉祐

張胄玄

北史卷九十

列傳第七十八

藝術下

周澹

李脩

徐審 從孫之才

王顯

馬嗣明

姚僧垣

褚該

許智藏

萬寶常

蔣少游

何稠

北史卷九十一

列傳第七十九

列女

乾隆四年校刊

七史目錄

三

魏崔覽妻封氏 封卓妻劉氏

魏溥妻房氏 胡長命妻張氏

北史卷九十二 房愛親妻崔氏

涇州貞女兒氏 姚氏婦楊氏

張洪祁妻劉氏 董景起妻張氏

陽尼妻高氏 史映周妻耿氏

任城國太妃孟氏 苟金龍妻劉氏

貞孝女宗 河東姚氏女

刁思遵妻魯氏 西魏孫道温妻趙氏

孫神妻陳氏 隋蘭陵公主

南陽公主 襄城王恪妃

華陽王楷妃 譙國夫人洗氏

鄭善果母崔氏 孝女王舜

韓覬妻于氏 陸讓母馮氏

劉昶女 鍾士雄母蔣氏

孝婦覃氏 元務光母盧氏

裴倫妻柳氏 趙元楷妻崔氏

北史卷九十二

列傳第八十

恩幸

恩王叡

王仲興 寇猛

趙脩十

茹皓

北史卷九十一

侯剛

徐紇 妻時凡

宗愛 時書時凡

仇洛齊 段霸

王琚 水引時凡

趙默文

孫小 時凡

張宗之 時凡

劇鵬 時凡

張祐

抱疑 時凡

王遇 王前時凡

符承祖 時凡

王質 公主

李堅 王前時凡

秦松

白整

高劉騰

賈粲

北史卷九十二

成軌

北史卷九十三

孟欒

平季 凡

封津

劉思逸 凡

郭秀 時凡

和士開 凡

穆提婆 時凡

高阿那肱

韓鳳 時凡

替齊諸宦者

北史卷九十三

乾隆四年校刊

北史目錄

三

北史卷九十一

僭偽附庸

夏赫連氏

後秦姚氏

西秦乞伏氏

梁蕭氏

燕慕容氏

北燕馮氏

北涼沮渠氏

吐谷

北史卷九十四  
列傳第八十二

高麗

新羅

百濟

勿吉

奚第八十六

北史室韋第十八

地豆干

流求八十五

契丹

豆莫婁

烏洛侯

倭

北史卷九十五

列傳第八十三

蠻獠

赤土

婆利

蘇時

林邑

真臘

吐谷

北史卷九十六

乾隆四年校刊

七史目錄

三

北列傳第八十四

氏

吐谷渾

宕昌

鄧至

白蘭

党項

北附國八十三

稽胡

北史卷九十七

北列傳第八十五

柔

西域

烏谷

北史卷九十八

列傳第八十六

突

北史卷九十九

徒何段就六眷

高車

北史卷一百

列傳第八十七

突厥

鐵勒

北史卷一百

列傳第八十八

序傳

古今

列傳第十三

乾隆四年校刊

北史目錄

三

列傳第八十四

氏

宅

北史卷八十八

北史卷一百

北史突厥十七

北史卷八十八

北史卷八十八

北史封爵列傳六卷

北史目錄

高車

回紇宇文莫咄

北史目錄考證  
○監本誤作元孫幼兒  
○干監本訛于今從本傳

列傳第六恭帝皇后若干氏  
○干監本訛于今從本傳

改正  
○監本誤作元孫幼兒  
○干監本訛于今從本傳

列傳第十長孫道生曾孫幼幼曾孫熾熾弟晟晟從祖

紹遠  
○監本誤作元孫幼兒  
○干監本訛于今從本傳

遠本傳道生子旄旄子觀觀子冀歸高祖賜名幼則

幼為曾孫也又幼子子裕子裕子義貞義貞弟兒兒

熾子熾則熾又為幼之曾孫而紹遠係幼之子乃從祖

矣今俱改正

列傳第十三慕容白曜  
○白監本訛曰今改正

列傳第二十三鄭義附譯叔祖儼○祖監本誤孫今改正今則如五

列傳第三十二崔光弟子鴻○鴻監本訛湛今改從本傳

列傳第四十五司馬子如附裴藻○裴監本訛斐今改正

列傳第五十二韋瑱○瑱監本訛瑱今改正

列傳第五十四泉叻○叻監本訛叻今改從本傳

列傳第六十七宇文述○宇監本訛宋今改正

列傳第六十九邢峙○監本邢峙訛刑峙又郭遵誤郭南監本誤育今俱改正

列傳第七十一柳誓○誓監本訛誓又王胄兄春訛春南監本誤育今俱改正

列傳第七十三門文愛○監本作文門愛今改從本傳

列傳第七十九列女○列監本訛烈今改正

列傳第八十三赤土○土監本訛上今改從本傳



列傳第二十一

正

列傳第二十二

陔勳策八十三赤土○土盟本指土今如資本勳

陔勳策十十九候文○候盟本指候今如五

陔勳策十十九與李本○李盟本指李今如五

陔勳策十二十三門文○盟本指文門受今如資本勳

南盟本指齊今如五

陔勳策十十一候晉○晉盟本指晉又王曹只存指齊

北史目錄考證本勳

北史卷皇帝命南越山谷高黎式藥八國於長治土

有轉唐言北土李邀宜游延潛邑編壽平末八撰封

皇魏本紀第帝嶺嶼皇帝會立列帝嶺嶼皇帝創立

魏之先出自黃帝軒轅氏黃帝子曰昌意昌意之少子

受封北國有大鮮卑山因以為號其後世為君長統幽

都之北廣莫之野畜牧遷徙射獵為業淳樸為俗簡易

為化不為文字刻木結繩而已時事遠近人相傳授如

史官之紀錄焉黃帝以土德王北俗謂土為托謂后為

跋故以為氏其裔始均住堯時逐女魃於弱水北人賴

其勳舜命為田祖歷三代至秦漢獯鬻獫狁山戎匈奴

乾隆四年校刊

北史卷一

帝記

一

之屬累代作害中州而始均之裔不交南夏是以載籍  
無聞積六七十代至成皇帝諱毛立統國三十六大姓  
九寺九威振北方成帝崩節皇帝貸立節帝崩莊皇帝  
觀立莊帝崩明皇帝樓立明帝崩安皇帝越立安帝崩  
宣皇帝推寅立宣帝南遷大澤方千餘里厥土昏冥沮  
洳謀更南徙未行而崩景皇帝利立景帝崩元皇帝俟  
立元帝崩和皇帝肆立和帝崩定皇帝機立定帝崩僖  
皇帝蓋立僖帝崩威皇帝僧立威帝崩獻皇帝隣立時  
有神人言此土荒遐宜徙建都邑獻帝年老乃以位授  
于聖武皇帝命南移山谷高深九難八阻於是欲止有

神獸似馬其聲類牛導引歷年乃出始居匈奴故地其  
遷徙策略多出宣獻二帝故時人竝號曰推寅蓋俗云  
鑽研之義

聖武皇帝諱詰汾嘗田於山澤欵見輜輶自天而下旣  
至見美婦人自稱天女受命相偶旦日請還期年周時  
復會于此言終而別及碁帝至先田處果見天女以所  
生男授帝曰此君之子也當世爲帝王語訖而去卽始  
祖神元皇帝也故時人諺曰詰汾皇帝無婦家力微皇  
帝無舅家帝崩神元皇帝立  
神元皇帝諱力微元年歲在庚子先是西部內侵依於

沒鹿迴部大人竇賓神元有雄傑之度後與賓攻西部  
賓軍敗失馬步走神元使以所乘駿馬給之賓歸求馬  
主帝隱而不言賓後知大驚將分國之半奉帝帝不受  
乃進其愛女賓猶思報恩乃從帝所欲徙所部北居長  
川積數年舊部人咸來歸附及賓臨終戒其二子使謹  
奉神元其子不從乃陰謀逆帝召殺之盡并其衆諸部  
大人悉服控弦之士二十餘萬三十九年遷於定襄之  
盛樂四月祭天諸部君長皆來助祭唯白部大人觀望  
不至徵而戮之遠近肅然帝乃告諸大人爲與晉和親  
計四十二年遣子文帝如晉且觀風土是歲魏景元二

年也文帝諱沙漠汗以國太子留洛陽後文帝以神元  
春秋已高求歸晉武帝具禮護送五十六年文帝復如  
晉其冬還國晉征北將軍衛瓘以文帝雄異恐爲後患  
請留不遣復請以金錦賂國之大人令致間隙五十八  
年方遣帝神元使諸部大人詣陰館迎帝酒酣帝仰視  
飛鳥飛丸落之時國俗無彈衆大驚相謂曰太子被服  
同南夏兼奇術絕人若繼國統變易舊俗吾等必不得  
志乃謀危害帝竝先驅還曰太子引空弓而落飛鳥似  
得晉人異法自帝在晉後諸子愛寵神元頗有所惑及  
聞諸大人請因曰當便除之於是諸大人馳詣塞南矯

害帝其年神元不豫烏丸王庫賢親近任勢先受衛瓘之貨欲沮動諸部因於庭中礪鉞斧曰上恨汝曹讒殺太子欲盡收諸大人長子殺之大人皆信各各散走神元尋崩凡饗國五十八年年一百四歲道武卽位尊爲始祖子章皇帝悉鹿立時諸部離叛帝九年而崩弟平皇帝綽立七年而崩文帝少子思皇帝立  
思皇帝諱弗政崇寬簡百姓懷服一年而崩神元子昭帝祿官立帝元年分國爲三部一居上谷北濡源西東接宇文部自統之一居代郡之參合陂北使文帝長子桓帝諱猗龜統之一居定襄之盛樂故城使桓帝弟穆

帝猗盧統之自神元以來與晉和好是歲穆帝始出并州遷雜胡北徙雲中五原朔方又西度河擊匈奴烏丸諸部自杏城以北八十里迄長城原夾道立碣與晉分界二年葬文帝及皇后封氏初思帝欲改葬未果而崩至是述成前意焉三年桓帝度漠北巡因西略諸國凡積五歲諸部降附者三十餘國桓帝英傑魁岸馬不能勝常乘安車駕大牛牛角容一石帝會中蠱嘔吐之地仍生榆參合陂土無榆故時人異之十年匈奴別種劉元海反晉於離石自號漢王并州刺史司馬騰來乞師桓帝與帝大舉以助之大破元海衆於西河上黨桓帝

與騰盟於汾東而還乃使輔相衛雄段繁於參合陂西累石爲亭樹碑以記行焉十一年晉假桓帝大單于金印紫綬是歲桓帝崩桓帝統部凡十一年後定襄侯衛操樹碑於大邗城以頌功德子普根代立十三年昭帝崩穆帝遂總攝三部爲一統帝天姿英峙勇略過人元年劉元海僭帝號自稱大漢三年晉并州刺史劉琨遣子遵爲質乞師帝使弟子平文皇帝助理破白部大人次攻鐵弗劉武晉懷帝進帝大單于封代公帝以封邑去國縣遠從琨求句注陁北地琨大喜乃徙馬邑陰館樓煩繁峙崞五縣入於陁南更立城邑盡獻其地東接

代郡西連西河朔方數百里帝乃徙十萬家以充之六年城盛樂以爲北都脩故平城以爲南都帝登平城西山觀望地勢乃更南百里於灑水之陽黃瓜堆築新平城晉人謂之小平城使子六脩鎮之統領南部八年晉愍帝進帝爲代王置官屬食代常山二郡先是國俗寬簡至是明刑峻法諸部人多以違命得罪凡後期者皆舉部戮之或有室家相攜悉赴死所人問何之曰當就誅其威嚴若此九年帝召六脩不至怒討之失利遂崩普根先守外境聞難來攻六脩滅之普根立月餘薨普根子始生桓帝后立之又薨思帝子平文皇帝立

平文皇帝諱鬱律姿質雄壯甚有威略元年歲在丁丑  
二年劉武據朔方來侵西部帝大破之西兼烏孫故地  
東吞勿吉以西控弦士馬將百萬是歲晉元帝卽位於  
江南劉曜僭帝位帝聞晉愍帝爲曜所害顧謂大臣曰  
今中原無主天其資我乎曜遣使請和帝不納三年石  
勒自稱趙王遣使乞和請爲兄弟帝斬其使以絕之五  
年晉元帝遣使韓暢加崇爵服帝絕之講武有平南夏  
志桓帝后以帝得衆心恐不利己子害帝遂崩大人死  
者數十人天興初追尊曰太祖

桓帝中子惠帝賀傉立以五年爲元年帝未親政事太  
后臨朝遣使與石勒通和時人謂之女國使四年帝始  
臨朝以諸部人情未悉款順乃築城於東木根山徙都  
之五年帝崩弟煬帝紇那立以五年爲元年三年石勒  
遣石季龍寇邊部帝禦之不利遷於大寧時平文帝長  
子烈帝居於舅賀蘭部帝遣使求之賀蘭部帥藹頭擁  
護不遣帝怒召宇文部并力擊藹頭宇文衆敗帝還大  
寧五年帝出居於宇文部賀蘭及諸部大人共立烈帝  
烈皇帝諱翳槐以五年爲元年石勒遣使求和帝遣弟  
昭成帝如襄國徙者五千餘家七年藹頭不脩臣職召  
而戮之國人復貳於是煬帝自宇文部還入諸部大人

復奉之煬帝以烈帝七年爲後元年時烈帝出居於鄴  
三年石季龍納烈帝於大寧國人六千餘家部落叛煬  
帝出居於慕容部烈帝復立以煬帝三年爲後元年城  
盛樂城在故城東南十里一年而崩弟昭成皇帝立帝  
昭成皇帝諱什翼犍平文皇帝之次子也生而奇偉寬  
仁大度身長八尺隆準龍顏立髮委地卧則乳垂至席  
烈帝臨崩顧命迎帝曰立此人則社稷乃安故帝弟孤  
自詣鄴奉迎與帝俱還建國元年十一月帝卽位於繁  
峙北時年十九二年春始置百官分掌衆職東自穢貊  
西及破落那莫不款附五月朝諸大人於參合陂議定

都灑源川連日不決乃從太后計而止聘慕容晃妹爲  
皇后三年春移都雲中之盛樂宮四年築盛樂城於故  
城南八里皇后慕容氏崩十月劉武寇西境帝遣軍大  
破之武死子務桓立始來歸順帝以女妻之七年二月  
遣大人長孫秩迎后慕容氏於和龍晃送女於境七月  
慕容晃遣使來聘求交婚帝許之以烈帝女妻焉十四  
年帝以中州紛梗將親率六軍乘石氏之亂廓定中原  
諸大人諫乃止十八年太后王氏崩十九年正月劉務  
桓死其弟闕頭立潛謀反二十一年闕頭部人多叛懼  
而東走度河半濟而冰陷後衆盡歸其兄子悉勿祈初

闕頭之叛悉勿祈兄弟十二人在帝左右盡遣之歸欲其自相猜離至是悉勿祈奪其衆闕頭窮而歸命帝待之如初二十二年春帝東巡桑乾川四月悉勿祈死弟衛辰立二十三年六月皇后慕容氏崩七月衛辰來會葬因求婚許之二十五年帝南巡君子津二十八年正月衛辰謀反度河東帝討之衛辰懼遁走三十年十月帝征衛辰時河水未成帝乃以葦絙約澌俄然冰合乃散葦於上水草相結若浮橋衆軍利涉衛辰與宗族西走收其部落而還三十四年春長孫斤謀反伏誅斤之反也拔刃向御坐太子寔格之傷脇五月薨後追諡焉

是爲獻明皇帝七月皇孫珪生大赦三十九年苻堅遣其大司馬苻洛帥衆二十萬及其將朱彤張蚝鄧羌等諸道來寇王師不利帝時不豫乃率國人避於陰山之北高車雜種盡叛四面寇抄不得芻牧復度漠南堅軍稍退乃還十二月至雲中旬有二日皇子寔君作亂帝暴崩時年五十七道武卽位尊曰高祖帝性寬厚時國少繒帛代人許謙盜絹二疋守者以告帝匿之謂燕鳳曰吾不忍視謙之面卿勿洩之謙或慙而自殺爲財辱士非也帝嘗擊西部叛賊流矢中目賊破後諸大臣執射者各持錐刀欲屠割之帝曰各爲其主何罪也釋之



其仁恕若此太祖道武皇帝諱珪昭成皇帝之嫡孫獻明帝之子也母曰獻明賀皇后初因遷徙游於雲澤寢夢日出室內寤而見光自牖屬天欬然有感以建國三十四年七月七日生帝於參合陂北其夜復有光明昭成大悅羣臣稱慶大赦告于祖宗保者以帝體重倍於常兒竊獨奇怪明年有榆生於藏胞之坎後遂成林帝弱而能言目有光曜廣顙大耳六歲而昭成崩苻堅遣將內侮將遷帝長安賴燕鳳乃免堅軍既還國衆離散堅使劉庫仁劉衛辰分攝國事南部大人長孫嵩及元他等盡將故人衆南依庫仁帝於是轉在獨孤部元年葬昭成皇帝於金陵營梓宮木柿盡生成林帝雖冲幼而嶷然不羣劉庫仁常謂其子曰帝有高天下之志必興復洪業七年十月晉敗苻堅于淮南慕容文等殺劉庫仁弟眷代攝國部八年慕容暉弟冲僭立姚萇自稱大單于萬年秦王慕容垂僭稱燕王九年劉庫仁子顯殺眷而代之乃將謀逆商人王霸知之履帝足於衆中帝乃馳還是時故大人梁盆子六眷爲顯謀主盡知其計密使部人穆崇馳告帝乃陰結舊臣長孫犍元他等因幸賀蘭部其日顯果使人殺帝不及語在獻明太后傳是歲乞伏

國仁私署秦河二州牧大單于姚萇殺苻堅堅子丕僭  
卽皇帝位於晉陽  
登國元年春正月戊申帝卽代王位郊天建元大會於  
牛川復以長孫嵩爲南部大人以叔孫普洛爲北部大  
人是月慕容垂僭卽皇帝位於中山國號燕二月幸定  
襄之盛樂息衆課農慕容冲爲其部下所殺夏四月改  
稱魏王五月姚萇僭卽皇帝位於長安國號大秦秋八  
月劉顯遣弟亢泥迎皇叔父窟咄於慕容永以兵隨之  
來逼南境帝左右于桓等與諸部大人謀應之事洩誅  
造謀者五人餘悉不問帝慮內難乃北踰陰山幸賀蘭

部阻山爲固遣行人安同長孫賀徵師于慕容垂垂令  
其子賀麟率師隨同等軍未至而寇逼於是北部大人  
叔孫普洛等十三人及諸烏丸亡奔衛辰帝自弩山幸  
牛川屯於延水南出代谷會賀麟於高柳大破窟咄悉  
收其衆冬十月苻丕爲晉將馮該所殺慕容永僭卽皇  
帝位於長子十一月苻登僭卽皇帝位於隴東十二月  
慕容垂遣使奉帝西單于印綬封上谷王帝不納

二年夏五月遣安同徵兵於慕容垂垂遣子賀麟率衆  
來會六月帝親征劉顯顯奔慕容永盡收其部落冬十  
二月巡松漠還幸牛川

三年夏五月癸亥北征庫莫奚大破之六月乞伏國仁死其弟乾歸立私署河南王秋七月庫莫奚部帥鳩集遺散夜犯行宮縱騎撲討盡滅之八月使九原公儀於慕容垂冬十月垂遣使朝貢

四年春正月甲寅襲高車諸部落二月癸巳遂至女水討叱突隣部竝大破之是月呂光自稱三河王夏五月使陳留公虔於慕容垂冬十月垂遣使朝貢

五年春三月甲申西征次鹿渾海襲高車袁紇部大破之慕容垂遣子賀麟來會夏四月景寅行幸意辛山與賀麟討賀蘭紇奚諸部落大破之秋八月還幸牛川使

秦王觚於慕容垂九月壬申討叱奴部囊曲水破之冬十月討高車豆陳部於狼山破之十二月帝還次白漠六年春正月幸紐垵川三月遣九原公儀陳留公虔等西討黠弗部大破之夏四月祭天秋七月壬申講武于牛川慕容垂止秦王觚而求名馬帝絕之乃遣使於慕容永永使其大鴻臚慕容鈞奉表勸進尊號九月帝襲五原屠之收其積穀還紐垵川於柁陽塞北樹碑記功冬十月戊戌征北蠕蠕追破之於大磧南商山下十一月戊辰還幸紐垵川戊寅衛辰遣子直力鞬寇南部壬午帝大破之於鐵岐山南衛辰父子奔遼十二月滅之

衛辰少子屈丐亡奔薛于部自河以南諸部悉平收衛辰子弟宗黨無少長五千餘人盡殺之是歲起河南宮七年春正月幸木根山遂次黑鹽池饗羣臣北之美水三月還幸河南宮秋七月行幸漠南仍築巡臺冬十二月慕容永遣使朝貢慕容永遣使朝貢慕容永遣使朝貢八年春正月南巡二月幸殺羊原赴白樓夏六月北巡秋七月臨幸新壇先是衛辰子屈丐奔薛于部徵之不送八月帝南征薛于部屠其城九月還幸河南宮九年春三月北巡使東平公元儀屯田於河北五原至於相陽塞外夏五月田於河東秋七月還幸河南宮冬

十月蠕蠕社論等率部落西走是歲姚萇子興儻立殺苻登慕容垂滅永

十年秋七月慕容垂遣其子寶來寇五原八月帝親兵於河南冬十月辛未寶燒船夜遁己卯帝進軍濟河乙酉夕至參合陂景戌大破之禽其王公以下文武將吏數千人於俘虜中擢其才識者買彛賈閔晁崇等參謀議憲章故實十二月還幸雲中之盛樂

皇始元年春正月大蒐於定襄因東幸善無北陂三月慕容垂寇桑乾川陳留公虔死之垂遂至平城西北聞帝將至乃築城自守疾甚遂道死於上谷子寶祕喪還

至中山乃僭立夏六月丁亥皇太后賀氏崩是月葬獻  
明太后呂光僭稱天王國號涼秋七月左司馬許謙上  
書勸進尊號於是改元始建天子旌旗出警入蹕八月  
己亥大舉討慕容寶帝親勒六軍四十餘萬南出馬邑  
踰句注旌旗絡繹二千餘里鼓行而前人屋皆震別詔  
將軍封真等從東道襲幽州圍薊九月戊午次陽曲乘  
西山臨觀晉陽寶并州牧遼西王農棄城遁并州平初  
建臺省置百官封拜公侯將軍刺史太守尚書郎以下  
悉用文人帝初拓中原留心慰納諸士大夫詣軍門者  
無少長皆引入人得盡言苟有微能咸蒙叙用己未詔

輔國將軍奚牧略地晉川獲慕容寶丹陽王買得等於  
平陶城九月晉孝武帝殂冬十一月庚子朔帝至真定  
自常山以東守宰或捐城奔竄或稽顙軍門唯中山鄴  
信都三城不下別詔東平公儀攻鄴冠軍將軍王建左  
軍將軍李栗等攻信都軍所行不得傷桑棗戊午進軍  
中山己未圍之帝曰朕量寶不能出戰必憑城自守急  
攻則傷士久守則費糧不如先平鄴信都然後還取中  
山諸將稱善丁卯車駕幸魯口城

二年春正月壬戌帝引騎圍信都其夜寶冀州刺史宜  
都王慕容鳳踰城奔中山癸亥寶輔國將軍張驤護軍

將軍徐超舉城降是月鮮卑禿髮烏孤私署大單于西平王二月丁丑帝軍于鉅鹿之栢肆塢臨滹池水其夜寶悉衆犯營燎及行宮兵人駭散帝驚起不及衣冠跣出擊鼓俄而左右及中軍將士稍集帝設奇陣列烽營外縱騎衝之寶衆大敗走還中山獲其器械數十萬計寶尚書閔亮祕書監崔逞等降者相屬賜拜職爵各有差三月己酉車駕次盧奴寶求和請送秦王觚割常山以西奉魏乞守中山以東帝許之已而寶背約辛亥車駕次中山命將圍之是夜寶弟賀麟將妻子走西山寶恐賀麟先據和龍壬子夜北遁城內共立慕容普隣爲

主夏四月帝以軍糧不繼詔東平公儀罷鄴圍徙屯鉅鹿五月庚子帝以中山城內爲普隣所脅乃招喻之甲辰曜兵揚威以示城內命諸軍罷圍南徙以待其變甲寅以東平公儀爲左丞相封衛王進襄城公題爵爲王秋七月普隣遣烏丸張驤率五千餘人出城求食寇靈壽賀麟自丁零中入驤軍因其衆復入中山殺普隣而自立八月景寅朔帝進軍九門時大疫人馬牛死者十五六中山猶拒守羣下咸思北還帝知之謂曰斯固天命將若之何四海之人皆可與爲國在吾所以撫之耳何恤乎無人羣臣乃不敢言九月賀麟飢窮率三萬餘

人寇新市甲子晦帝進軍討之太史冷晁崇奏曰不吉  
帝曰何也對曰紂以甲子亡兵家忌之帝曰周武不以  
甲子勝乎崇無以對冬十月景寅帝進軍新市賀麟退  
阻泝水依漸洳澤以自固甲戌帝臨其營戰於義臺塢  
大破之賀麟單馬走鄴慕容德殺之甲申賀麟所署公  
卿尚書將吏士卒降者二萬餘人其將張驥李沈慕容  
文等先來降等皆亡還是日復獲之皆赦而不問獲其  
所傳皇帝璽綬圖書府庫珍寶中山平乙酉襄城王題  
薨正日庚子帝以中山城內無普觀泚齊八時命之甲  
天興元年春正月慕容德走保滑臺衛王儀剋鄴庚子

行幸真定遂幸鄴百姓有老病不能自存者詔郡縣賑  
卹之帝至鄴巡登臺榭徧覽宮城將有定都之志乃置  
行臺遂還中山所過存問百姓詔大軍所經州郡皆復  
貨租一年除山東人租賦之半車駕將北還發卒萬人  
通直道自望都鐵關鑿恒嶺至代五百餘里帝慮還後  
山東有變乃於中山置行臺詔衛王儀鎮之使略陽公  
遵鎮渤海之合口右軍將軍尹國先督租于冀州聞帝  
將還謀反欲襲信都安南將軍長孫嵩執送斬之辛酉  
車駕發中山至於望都堯山徙山東六州人吏及徒何  
高麗雜夷三十六署百工伎巧十餘萬口以充京師車

駕次于恒山之陽博陵渤海章武諸郡羣盜竝起略陽  
公遵等討之是月慕容德自稱燕王據廣固二月車駕  
至自中山幸繁峙宮更選屯衛詔給內徙新戶耕牛計  
口受田三月徵左丞相衛王儀還京師詔略陽公遵代  
鎮中山夏四月壬戌以歷陽公穆崇爲太尉鉅鹿公長  
孫嵩爲司徒進封略陽公遵爲常山王南安公順爲毗  
陵王祭天於西郊旗幟有加焉廣平太守遼西公意列  
謀反與郡人韓奇矯假讖圖將襲鄴城詔反者就郡賜  
死是月蘭汗殺慕容寶而自立爲大單于昌黎王六月  
景子詔有司議定國號羣臣奏曰昔周秦以前帝王居

所生之土及主天下卽承爲號今國家啓基雲代應以  
代爲號詔曰昔朕遠祖總御幽都控制遐國雖踐王位  
未定九州逮于朕躬掃平中土凶逆蕩除遐邇率服宜  
仍先號爲魏秋七月遷都平城始營宮室建宗廟立社  
稷慕容寶子盛殺蘭汗而自立爲長樂王八月詔有司  
正封畿制郊甸端徑術櫛道里平五權較五量定五度  
遣使循行郡國舉奏守宰不法者親覽察黜陟之冬十  
月起天文殿十一月辛亥尚書吏部郎中鄧彥海典官  
制立爵品定律呂協音樂儀曹郎中董謚撰郊廟社稷  
朝覲饗宴之儀三公郎中王德定律令申科禁太史令



晁崇造渾儀考天象吏部尚書崔宏總裁之閏月左丞相衛王儀及王公卿士詣闕上書曰臣等聞宸極居中則列宿齊其晷帝王順天則羣后仰其度伏惟陛下德協二儀道隆三五仁風被于四海盛化塞于天區澤及昆蟲恩霑行葦謳歌所屬八表歸心而躬履謙虛退身後已宸儀未彰袞服未御非所以上允皇天之意下副樂推之心臣等謹昧死以聞帝三讓乃許之十二月己丑帝臨天文殿太尉司徒進璽綬百官咸稱萬歲大赦改元追尊成帝以下及后號謚樂用皇始之舞詔百司議定行次尚書崔宏等奏從土德服色尚黃數用五祖

以未臘以辰犧牲用白五郊立氣宣贊時令敬授人時行夏之正徙去州二千部守宰豪傑吏人二千家于代都滹人麻祖之半辛亥帝臨宮前對衆勸善于祿命二年春正月甲子初祀上帝于南郊以始祖神元皇帝配降壇視燎成禮而反乙丑赦京師始制三駕之法庚午北巡分命諸將大襲高車常山王遵三軍從東道出長川高涼王樂真等七軍從西道出牛川車駕親勒六軍從中道自駁髯水西北出二月丁亥朔諸軍同會破高車雜種三十餘部衛王儀督三將別從西北絕漠千餘里破其遺迸七部還次牛川及薄山竝刻石紀功以

所獲高車衆起鹿苑於南臺陰北距長城東苞白登屬之西山廣輪數十里鑿渠引武川水注之苑中疏爲三溝分流宮城內外又穿鴻鴈池三月己未車駕至自北伐甲子初令五經羣書各置博士增國子太學生員三千人是月氏人李辯叛慕容德求援於鄴行臺尚書和跋以輕騎應之剋滑臺收德宮人府藏秋七月起天華殿辛酉大閱于鹿苑八月增啓京城十二門作西武庫除州郡人租賦之半辛亥詔禮官備撰衆儀著于新令范陽人盧溥聚衆海濱稱幽州刺史攻掠郡縣殺幽州刺史封沓于是月禿髮烏孤死其弟利鹿孤立遣使朝

貢冬十月太廟成遷神元平文昭成獻明皇帝神主于太廟十二月天華殿成呂光立其子紹爲天王自稱太上皇及死庶子纂殺紹而僭立

三年春正月戊午材官將軍和突破盧溥於遼西獲之及其子煥傳送京師轅之癸亥祀北郊分命諸官循行州郡觀風俗察舉不法五月丁亥詔有司祀日于東郊始耕籍田壬寅皇子聰薨三月戊午立皇后慕容氏是月穿城南渠通於城內作東西魚池夏四月姚興遣使朝貢五月戊辰詔謁者僕射張濟使於興己巳東巡遂幸涿鹿遣使者以大牢祀帝堯帝舜廟西幸馬邑觀灑

源六月庚辰朔日有蝕之秋七月乞伏乾歸大爲姚興所破壬子車駕還宮起中天殿及雲母堂金華室時太史屢奏天文錯亂帝親覽經占多云宜改王易政於是數革官號欲以防塞凶狡消弭災變已而慮臣下疑惑冬十二月景申下詔述成敗之理鑒殷周之失革秦漢之弊以喻臣下是歲河右諸郡奉涼武昭王李玄盛爲秦涼三州牧涼公肇興霸業年號庚子漢武昭王四年春二月丁亥命樂師入學習儻釋菜于先聖先師丁酉分命使者巡行州郡聽察辭訟糾劾不法是月呂光弟子隆弒呂纂而自立三月帝親漁薦于寢廟夏四月辛卯罷鄴行臺詔有司明揚隱逸五月起紫極殿立武樓涼風觀石池鹿苑臺六月盧水胡沮渠蒙遜私署涼州牧張掖公秋七月詔兖州刺史長孫肥南徇許昌彭城詔賜天下鎮戍將士布帛各有差八月段興殺慕容盛叔父熙盡誅段氏僭卽皇帝位冬十二月集博士儒生比衆經文字義類相從凡四萬餘字號曰衆文經是歲涼武昭王沮渠蒙遜竝遣使朝貢

五年春正月帝聞姚興將寇邊庚寅大簡輿徒詔并州諸軍積穀于平陽乾壁三月禿髮利鹿孤死夏五月姚興遣其弟義陽王平來侵平陽攻陷乾壁秋七月戊辰

朔車駕西討八月乙巳至乾壁平固守進軍圍之姚興  
悉舉其衆來救甲子帝度蒙坑逆擊興軍大破之冬十  
月平赴水而死俘其餘衆三萬餘人獲興尚書左僕射  
狄伯支以下四品將軍以上四十餘人獲前亡臣王次  
多斬勒竝斬以徇興頻使請和帝不許羣臣請進平蒲  
坂帝慮蠕蠕爲難戊申班師十一月車駕次晉陽徵相  
州刺史庾岳爲司空十二月辛亥至自西征越勒莫弗  
率其部萬餘家內屬

六年春正月辛未朔方尉遲部別帥率萬家內屬入居  
雲中夏四月癸巳朔日有蝕之五月大簡輿徒將略江

淮秋七月鎮西大將軍司隸校尉毗陵王順有罪以王  
還第戊子北巡築離宮于豺山縱士校獵東北踰罽嶺  
出參合代谷九月行幸南平城規度灑南夏屋山背黃  
瓜堆將建新邑辛未車駕還宮冬十月起西昭陽殿乙  
卯立皇子嗣爲齊王加車騎大將軍位相國紹爲清河  
王加征南大將軍熙爲陽平王曜爲河南王封故秦愍  
王子夔爲豫章王陳留桓王子悅爲朱提王丁巳晉人  
來聘十一月庚午將軍伊謂大破高車十二月晉桓玄  
廢其主司馬德宗爲平固王而自立僭號楚  
天賜元年春二月晉劉裕起兵誅桓玄三月初限縣戶

不滿百罷之夏五月置山東諸冶發州郡徒謫造兵甲  
秋九月帝臨昭陽殿分置衆職引朝臣文武親自簡擢  
量能叙用制爵四等曰王公侯子除伯男之號追錄舊  
臣加封爵各有差是秋江南大亂流人纒負奔淮北者  
行道相等冬十月辛巳大赦改元築西宮十一月幸西  
宮大選臣寮令各辯宗黨保舉才行諸部子孫失業賜  
爵者二千餘人

二年春正月晉主司馬德宗復位夏四月祀西郊車旗  
盡黑冬十日慕容德死

三年春正月甲申北巡幸豺山宮校獵還至屋孤山二

月乙亥幸代園山建五石亭三月庚子車駕還宮夏四  
月庚申復幸豺山宮占授著作郎王宜弟造兵法孤虛  
立成圖三百六十時遂登定襄角史山又幸馬城甲戌  
車駕還宮六月發八部五百里內男丁築灑南宮門闕  
高十餘丈引溝穿池廣苑圍規立外城方二十里分置  
市里經途洞達三十日罷秋七月太尉穆崇薨八月甲  
辰行幸豺山宮遂至青牛山景辰西登武要北原觀九  
十九泉造石亭遂之石漠九月甲戌朔幸漠南鹽池壬  
午至漠中觀天鹽池度漠北之吐鹽池癸巳南還長川  
景申臨觀長陂冬十月庚申車駕還宮

四年春二月封皇子脩爲河間王處文爲長樂王連爲廣平王黎爲京兆王夏五月北巡自參合陂東過蟠羊山大雨暴水流輜車數百乘殺百餘人遂東北踰石漠至長川幸濡源常山王遵有罪賜死六月赫連屈丐自稱大單于大夏天王秋七月西幸參合陂築北宮垣三旬而罷乃還宮慕容寶養子高雲殺慕容熙而自立僭號天王八月誅司空庾岳百里內畏之築臺南宮四闕五年春正月行幸豺山宮遂如參合陂觀漁于延水至寧川三月姚興遣使朝貢秋七月戊戌朔日有蝕之冬十月禿髮僞檀僭卽涼王位二日庚子車馬數宮夏四

六年夏帝不豫初帝服寒食散自太醫令陰羌死後藥數動發至此愈甚而災變屢見憂懣不安或數日不食或不寢達旦歸咎羣下喜怒乖常謂百寮左右不可信慮如天文之占或有肘腋之虞追思既往成敗得失終日竟夜獨語不止若傍有鬼物對揚者朝臣至前追其舊惡便見殺害其餘或以顏色動變或以喘息不調或以行步乖節或以言辭失錯帝以爲懷惡在心變見於外乃手自毆擊死者皆陳天安殿前於是朝野人情各懷危懼有司廢怠莫相督攝百工偷劫盜賊公行巷里之間人爲稀少帝亦聞之曰朕故縱之使然幸過災年

當更清整之耳秋七月慕容氏支屬百餘家謀欲外奔發覺伏誅死者三百餘人八月衛王儀謀叛賜死十月戊辰清河王紹作亂帝崩於天安殿時年三十九永興二年九月甲寅上謚曰宣武皇帝葬於盛樂金陵廟號太祖泰常五年改謚曰道武世傳變如以謂息不隨也太宗明元皇帝諱嗣道武皇帝之長子也母曰劉貴人登國七年生於雲中宮道武晚有男聞而大悅乃大赦帝明叡寬毅非禮不動天興六年封齊王拜相國初帝母既賜死道武召帝告曰昔漢武將立其子而殺其母不令婦人與國政汝當繼續故吾遠同漢武帝素純孝

哀不自勝道武怒帝還宮哀不自止道武知而又召帝帝欲入左右諫請待和解而進帝從之及元紹之逆帝還而誅之世傳變如以謂息不隨也

永興元年冬十月壬午皇帝卽位大赦改元追尊皇妣爲宣穆皇后公卿大臣先罷歸第者悉復登用之詔南平公長孫嵩北新侯安同對理人訟簡賢任能是月馮跋弑其主高雲僭號天王國號北燕閏十月丁亥朱提王悅謀反賜死詔都兵將軍山陽侯奚斤巡諸州問人疾苦十二月戊戌封衛王儀子良爲南陽王進陰平公列爵爲王改封高涼王樂真爲平陽王己亥帝始居西

宮御天文殿蠕蠕犯塞是歲乞伏乾歸自稱秦王  
三年春正月甲寅朔詔南平公長孫嵩等北征蠕蠕因  
留屯漠南夏五月嵩等自大漠還蠕蠕追圍之於牛川  
垂申帝北伐蠕蠕聞而遁走車駕還幸參合陂六月晉  
將劉裕滅慕容超秋七月丁巳立射臺於陂西仍講武  
乙丑至自北伐  
三年春三月戊戌詔簡宮人非御及伎巧者悉以賜鰥  
人已亥詔北新侯安同等持節巡行并定二州及諸山  
居雜胡丁零問其疾苦察舉守宰不法者辛丑簡宮人  
工伎之不急者出賜人不能自存者三月己未詔侍臣

常佩劔夏五月景寅復出宮人賜鰥人丁卯車駕謁金  
陵於盛樂己巳昌黎王慕容伯兒謀反伏誅六月姚興  
遣使朝貢秋七月戊申賜衛士酺三日冬十一月丁未  
大閱于東郊  
四年春二月癸未登獸圈射猛獸夏四月乙未宴羣臣  
於西宮使各獻直言勿有所諱六月乞伏乾歸爲兄子  
公府所弑閏月景辰大閱于東郊秋七月己巳朔東巡  
置四廂大將又放十二時置十二小將以山陽侯奚斤  
元城公屈行左右丞相己卯大獮于石會山戊子臨去  
畿陂觀漁庚寅至于濡源西巡幸北部諸落八月壬子



幸西宮臨板殿大饗羣臣命百姓大酺三日乙卯賜王公以下至宿衛將士布各有差冬十一月己丑賜宗室近屬南陽王良以下至於總麻親布帛各有差是月沮渠蒙遜僭稱西河王十二月丁巳北巡至長城而旋五年春正月己巳大閱畿內男年十二以上悉集己卯幸西宮頌拔大渠帥四十餘人詣闕奉貢賜以繒帛錦罽各有差乙酉詔諸州六十戶出戎馬一匹庚寅大閱于東郊署將帥以山陽侯奚斤爲前軍衆三萬陽平王熙等十二將各一萬騎帝臨白登躬自校覽二月庚戌幸高柳川癸丑穿魚池於北苑庚午姚興遣使朝貢己

卯詔使者巡行天下招延僞彥搜揚隱逸夏四月乙卯西巡五月乙亥行幸雲中舊宮之大室景子大赦六月西幸五原校獵于骨羅山獲獸十萬秋七月己巳還幸薄山帝登觀宣武游幸刻石頌德之處乃於其旁起石壇而薦饗焉賜從者大酺於山下前軍奚斤等破越勒倍泥部落於跋那山西徙二萬餘家而旋景戌車駕自大室西南巡諸部落遂南次定襄大洛城東踰七嶺山田于善無川八月癸卯車駕還宮癸丑奚斤等班師甲寅帝臨白登山觀降人數軍實置新人於大甯給農器計口受田冬十一月癸酉大饗于西宮姚興遣使朝貢

請進女帝許之一日癸酉大饗于西宮赦與蠶封博負  
神瑞元年春正月辛酉以禎瑞頻集大赦改元辛巳行  
幸繁峙賜王公以下至于士卒百工布帛各有差二月  
戊戌車駕還宮乙卯起豐宮於秦城東北夏六月乞伏  
熾盤滅禿髮僞檀秋七月晉將朱齡石滅蜀八月戊子  
詔馬邑侯元陋孫使於姚興姚興遣使朝貢九月丁巳  
朔日有蝕之冬十一月壬午詔使者巡行諸州校閱守  
宰資財非自家所齎悉簿爲贓守宰不如法聽百姓詣  
闕告之十二月景戌朔蠕蠕犯塞景申車駕北伐六月  
二年春正月景辰車駕至自北伐二月丁亥大饗于西

宮甲辰立宣武廟于白登西三月丁丑詔以刺史守宰  
率多逋惰今年貲調縣違者謫出家財以充不聽徵發  
於人夏四月晉人來聘己卯北巡五月丁亥次於參合  
東幸大窳丁未田于四岬山六月戊午臨去畿陂觀漁  
辛酉次于濡源立蟀臺遂射白熊於頽牛山獲之丁卯  
幸赤城親見長老問人疾苦復租一年南次石亭幸上  
谷問百年訪賢僞復田租之半壬申幸涿鹿登嶠山觀  
溫泉使以太牢祠黃帝唐堯廟癸酉幸廣窳事如上谷  
己卯登廣窳之歷山以太牢祠舜廟帝親加禮焉庚辰  
幸代秋七月癸未車駕還宮復所過田租之半八月庚

辰晦日有蝕之九月京師人飢聽就食山東冬十月壬子姚興使奉其西平公主至帝以后禮納之辛酉行幸沮洳城癸亥車駕還宮景寅詔以頻遇霜旱年穀不登命出布帛倉穀以振貧窮

泰常元年春二月丁未姚興死三月己丑長樂王處文薨夏四月壬子大赦改元庚申河間王脩薨五月甲申慧星二見六月丁巳北巡秋七月甲申大獮于牛川登釜山臨殷繁水南觀于九十九泉戊戌車駕還宮辛亥晦日有蝕之九月晉劉裕溯河伐姚泓遣部將王仲德從陸道至梁城兗州刺史尉建畏懦弃守北渡仲德遂

入滑臺詔將軍叔孫建等度河曜威斬尉建於城下冬十一月戊寅起蓬臺于北苑十二月南陽王良薨二年春正月甲戌朔日有蝕之二月景午詔使者巡行天下觀風俗問其所苦是月涼武昭王薨五月西巡至雲中遂濟河田于大漠秋七月乙亥車駕還宮乙酉起白臺於城南高二十丈是月晉劉裕滅姚泓冬十月癸丑豫章王夔薨十二月己酉詔河東河內購泓子弟播越人間者置京師八月颶門所內大雨水毀其屋三年春三月晉人來聘庚戌幸西宮以渤海范陽郡去年水復其租稅夏四月己巳徙冀定幽三州徙何於京

師五月壬子東巡至濡源及甘松遣征東將軍長孫道生帥師襲馮跋遂至龍城徙其居人萬餘家而還秋七月戊午車駕至京師八月鴈門河內大雨水復其租稅冬十月戊辰築宮於西苑十月赫連屈丐剋長安十月晉安帝殂二十七日晉愷欲滅跋跋冬十月癸四年春正月壬辰朔車駕臨河大蒐于犢渚癸卯還宮三月赫連屈丐僭卽皇帝位癸丑築宮於蓬臺北夏四月庚辰享東廟遠蕃助祭者數百國辛巳南巡幸鴈門賜所過無出今年租賦五月庚寅朔觀漁于灑水己亥車駕還宮秋八月辛未東巡遣使祠恒岳甲申車駕還

宮賜所過無出今年田租九月甲寅築宮於白登山冬十一月丁亥朔日有蝕之十二月癸亥西巡至雲中踰白道北獵野馬於辱孤山至於黃河從君子津西度大狩於薛林山冬十月癸亥朔自薛林東還至屋竇城饗勞將士五年春正月景戌朔自薛林東還至屋竇城饗勞將士大酺二日班禽以賜之己亥車駕還宮三月景戌南陽王意文薨夏四月景寅起灑南宮五月乙酉詔曰宣武皇帝體得六之玄遠應自然之冲妙大行大名未盡盛美今啓緯圖始覩尊號其更上尊諡曰道武皇帝以章靈令之先啓聖德之玄同庚戌淮南侯司馬國璠池陽

侯司馬道賜等謀反伏誅六月景寅幸翳犢山是月晉  
恭帝禪位于宋秋七月丁酉西至五原丁未幸雲中大  
室賜從者大酺八月癸亥車駕還宮閏月甲午陰平王  
烈薨是歲西涼亡  
六年春二月己亥詔天下戶二十輸戎馬一匹大牛一  
頭三月甲子陽平王熙薨乙亥制六部人羊滿百口者  
調戎馬一匹發京師六千餘人築苑起自舊苑東苞白  
登周回四十餘里夏六月乙酉北巡至于蟠羊山秋七  
月乙卯車駕還宮癸酉西巡獵于祚山親射猛獸獲之  
遂至于河八月庚子大獮于犢渚九月庚戌車駕還宮

壬申宋人來聘冬十月己亥行幸代十二月景申西巡  
于雲中

七年春正月甲辰朔自雲中西幸屋竇城賜從者大酺  
三日二月景戌車駕還宮三月乙丑河南王曜薨夏四  
月甲戌封皇子燾爲太平王拜相國加大將軍丕爲樂  
平王加車騎大將軍彌爲安定王加衛大將軍範爲樂  
安王加中軍大將軍健爲永昌王加撫軍大將軍崇爲  
建寧王加輔國大將軍俊爲新興王加鎮軍大將軍獻  
懷長公主子嵇敬爲長樂王拜大司馬大將軍初帝服  
寒食散頻年發動不堪萬機五月立太平王燾爲皇太

子臨朝聽政是月宋武帝殂秋九月詔司空奚斤等帥師伐宋乙巳幸灑南宮遂如廣寧己酉詔皇太子率百國以法駕田於東苑車乘服物皆以乘輿之副辛亥築平城外郭周回三十二里辛酉幸嶠山遣使者祠黃帝唐堯廟因東幸幽州見耆年問其所苦賜以爵號分遣使者巡行州郡觀察風俗冬十月甲戌車駕還宮復所過田租之半奚斤等濟河攻滑臺不拔求濟師帝怒不許議親南征爲其聲援壬辰南巡出自天門關踰恒嶺四方蕃附大人各帥所部從者五萬餘人十一月皇太子親統六軍鎮塞上安定王彌與北新公安同居守景

午曲赦司州殊死以下景辰次于中山問人疾苦十二月景戌行幸冀州存問人俗遣壽光侯叔孫達等率衆自平原東度徇下青兗諸郡

八年春正月景辰行幸鄴存問人俗司空奚斤旣平兗豫還圍武牢宋守將毛德祖距守不下蠕蠕犯塞二月戊辰築長城於長川之南起自赤城西至五原延袤二十餘里備置戍衛三月乙卯濟自靈昌夏四月丁卯幸成臯觀武牢而城內乏水縣緆汲河帝令連艦上施轆輻絕其汲路又穿地道以奪其井丁丑幸洛陽觀石經閏月丁未還幸河內北登太行幸高都已未武牢潰士

衆大疫死者十二三辛酉幸晉陽班賜王公以下至於  
廝役五月景寅還次鴈門皇太子率留臺王公迎於句  
注之北庚寅車駕至自南巡六月己亥太尉宜都公穆  
觀薨景辰北巡至參合陂秋七月幸三會屋侯泉詔皇  
太子率百官以從八月幸馬邑觀于灑源九月乙亥車  
駕還宮冬十月癸卯廣西宮起外墻周回二十里是歲  
饑詔所在開倉振給十一月己巳帝崩於西宮時年三  
十二遺詔以司空奚斤所獲軍實賜大臣自司徒長孫  
嵩以下至于士卒各有差十二月庚子上諡曰明元皇  
帝葬于雲中金陵廟稱太宗帝兼資文武禮愛儒生好  
覽史傳以劉向所撰新序說苑於經典正義多有所闕  
乃撰新集三十篇採諸經史該洽古義云

論曰自古帝王之興誠有天命亦賴累功積德方契靈  
心有魏奄宅幽方代爲君長神元生自天女桓穆勤於  
晉室冥符人事夫豈徒然昭成以雄傑之姿苞君人之  
量征伐四剋威被遐荒乃改都立號恢隆大業終百六  
十載光宅區中其原因有由矣道武顯晦安危之中屈  
申潛躍之際驅率遺黎奮其靈武克翦方難遂啓中原  
垂拱人神顯登皇極雖冠履不暇棲遑外土而制作經  
謨咸出長久所謂大人利見百姓與能抑不世之神武

也而屯厄有期禍生非慮將人事不足豈天實爲之乎  
明元承運之初屬廓定之始于時狼顧鴟峙猶有窺覷  
加以天賜之末內難尤甚帝孝心叡略權正兼運纂業  
固基內和外撫終能周鄭欵服聲教南被祖功宗德其  
義良已遠矣

北史卷一

北史卷一考證

神元皇帝紀是歲魏景元二年也○魏監本訛晉今從  
歷代甲子圖改正

思皇帝紀元年分國爲三部○元各本俱誤九今改從  
魏書

帝天姿英峙勇畧過人○峙魏書作特

晉并州刺史劉琨遣子遵爲質乞師○遵監本誤導今  
改從晉書

平文皇帝紀控弦士馬將百萬○士魏書作上

太祖道武皇帝紀帝於是轉在獨孤部○在魏書作幸



木柿盡生成林○柿監本訛材今改從魏書

密使部人穆崇馳告帝○崇監本訛宗今從本傳改正  
八月帝親兵于河南○兵字上魏書有治字

闕高十餘丈引溝穿池廣苑囿○穿監本訛川今改從  
魏書

太宗明元皇帝紀冬十月壬午皇帝卽位○壬午魏書  
作壬申

封衛王儀子良爲南陽王進陰平公列爵爲王○陰平  
公名元烈則列字應改從烈今各本俱同姑仍之  
七月丁巳立射臺於陂西○射字下魏書有馬字

丁卯車駕謁金陵於盛樂○丁監本訛辛今從上丙寅  
下己巳改正

詔以刺史守宰率多逋惰今年貲調縣違者謫出家財  
以充○今監本訛令今改從魏書又魏書縣作懸  
登嶠山觀溫泉使以太牢祠黃帝唐堯廟○嶠魏書作  
橋又無唐堯二字

北史卷一考證

北史卷一考證

北史卷二

唐

李

延

壽

撰

魏本紀第二

世祖太武皇帝諱燾明元皇帝之長子也母曰杜貴嬪  
天賜五年生於東宮體貌瓌異道武奇之曰成吾業者  
必此兒也泰常七年四月封太平王五月立為皇太子  
及明元帝疾命帝總攝百揆帝聰明大度意豁如也八  
年十一月己巳明元帝崩壬申太子即皇帝位大赦天  
下十二月追尊皇妣為密皇太后進司徒長孫嵩爵為  
北平王司空奚斤為宜城王藍田公長孫翰為平陽王

乾隆四年校刊

北史卷二

帝紀

其餘普增爵位各有差於是除禁錮釋嫌疑開倉庫振窮乏河南流人相率內屬者甚衆

始光元年春正月景寅安定王彌薨夏四月甲辰東巡幸大寧六月宋徐羨之弒其主義符秋七月車駕還宮八月蠕蠕六萬騎入雲中殺畧人吏攻陷盛樂帝帥輕騎討之虜乃退走九月大簡輿徒於東郊將北討冬十二月遣平陽王長孫翰等討蠕蠕車騎次祚山蠕蠕北遁諸軍追之大獲而還

二年春正月己卯車駕至自北伐三月景辰尊保母竇氏曰保太后丁巳以北平王長孫嵩爲太尉平陽王長

孫翰爲司徒宜城王奚斤爲司空庚申營故東宮爲萬壽宮起永安安樂二殿臨望觀九華堂初造新宇千餘夏四月詔龍驤將軍步堆使宋五月詔天下十家發大牛一頭運粟塞上秋八月赫連屈丐死九月永安安樂二殿成丁卯大饗以落之冬十月癸卯車駕北伐東西五道並出平陽王長孫翰等絕漠追寇蠕蠕北走孤山三年春正月壬申車駕至自北伐乞伏熾盤遣使朝貢請討赫連昌二月起太學於城東祀孔子以顏回配夏五月辛卯進中由公纂爵爲王復南安公素先爵常山王六月幸雲中舊宮謁陵廟西至五原田於陰山東至

和兜山秋七月築馬射臺于長川帝親登臺走馬王公諸國君長馳射中者賜金錦繒絮各有差八月車駕還宮宋人來聘帝以赫連屈丐死諸子相攻冬十月丁巳車駕西伐幸雲中臨君子津會天暴寒數日水合十月月戊寅率輕騎襲赫連昌壬午徙萬餘家而還至祚山班虜獲以賜將士各有差十二月詔奚斤西據長安秦隴氏羌皆叛昌詣斤降武都王楊玄及沮渠蒙遜等使使內附

四年春正月乙酉車駕至自西伐賜留臺文武各有差從人在道多死到者裁十六七巳亥行幸幽州赫連昌

遣其弟定向長安帝聞之遣就陰山伐木造攻具二月車駕還宮三月景午詔執金吾桓貸造橋於君子津丁丑廣平王連薨夏四月丁未詔員外散騎常侍步堆使於宋五月車駕西討赫連昌次拔隣山築城舍輜重以輕騎三萬先行戊戌至黑水帝親祈天告祖宗之靈而誓衆六月癸卯朔日有蝕之甲辰大破赫連昌昌奔上邽乙巳車駕入城虜昌羣弟及其母妹妻妾宮人萬數府庫珍寶車旗器物不可勝計辛酉班師留常山王素執金吾桓貸鎮統萬秋七月己卯築壇於祚嶺戲馬馳射賜中者金帛繒絮各有差蠕蠕寇雲中聞破赫連昌

懼而逃八月壬子車駕至自西伐飲至策勲告宗廟班  
軍實以賜留臺百寮各有差冬十月以氏主楊玄爲  
假征南大將軍都督梁州刺史南秦王十月行幸中  
山守宰貪污免者十數人癸卯車駕還宮復所過田租  
之半六月癸卯賊日奔增之甲列大姪赫連昌昌奔土  
神麴元年春正月以天下守令多非法精選忠良悉代  
之辛未京兆王黎薨二月改元司空奚斤進軍安定監  
軍侍御史安頡出戰禽昌其餘衆立昌弟定爲主走還  
平涼三月辛巳侍中古弼送赫連昌至于京師司空奚  
斤追赫連定於平涼馬髦嶺爲定所禽將軍丘堆先在

安定聞斤敗東走長安帝大怒詔頡令斬之夏四月赫  
連定遣使朝貢壬子西巡戊午田于河西大赦南秦王  
楊玄遣使朝貢五月乞伏熾盤死秋八月東幸廣寧臨  
觀溫泉以大牢祭黃帝堯舜廟九月車駕還宮冬十二  
月乙未朔日有蝕之是月行幸河西大校獵十二月甲  
申車駕還宮雲中赫連昌奔土  
二年夏四月宋人來聘庚寅車駕北伐五月丁未次于  
沙漠舍輜重輕騎兼冀馬至粟水蠕蠕震怖焚廬舍絕  
跡西走冬十月振旅凱旋于京師告于宗廟列置新人  
于漠南東至蠕源西暨五原陰山竟三千里十一月西

巡田于河西至祚山而還

三年春正月庚子車駕還宮壬寅大赦癸卯行幸廣寧  
臨溫泉作溫泉歌二月丁卯司徒平陽王長孫翰薨戊  
辰車駕還宮三月壬寅進會稽公赫連昌爲秦王夏四  
月甲子行幸雲中敕勒萬餘落叛走詔尚書封鐵追滅  
之五月戊午論討敕勒功大明賞罰秋七月己亥詔諸  
征鎮將軍王公杖節邊遠者聽開府辟召其次增置吏  
員庚子詔大鴻臚卿杜超假節都督冀定相三州諸軍  
事行征南大將軍大宰進爵爲王鎮鄴爲諸軍節度八  
月宋將到彥之自清水入河泝流西行景寅彥之遣將

度河攻冶坂冠軍將軍安頡督諸軍擊破之九月癸卯  
立密皇太后廟于鄴甲辰行幸統萬遂征平涼是月馮  
跋死冬十月乙卯冠軍將軍安頡濟河攻洛陽景子拔  
之辛己安頡平武牢十一月己酉車駕至平涼己亥行  
幸安定庚子帝自安西還臨平涼遂掘塹圍守之行幸  
紐城安慰初附赦秦隴之人賜復七年辛酉安頡帥諸  
軍攻滑臺沮渠蒙遜遣使朝貢壬寅封壽光侯叔孫建  
爲丹楊王十二月丁卯赫連定弟社于度洛孤面縛出  
降平涼收其珍寶定長安臨晉武功守將皆奔走關中  
平壬申車駕還東留巴東公延普等鎮安定

四年春正月壬午車駕自木根山大饗羣臣景申宋將檀道濟王仲德從清水救滑臺丹楊王叔孫建汝陰公長孫道生拒之道濟等不敢進是月赫連定滅乞伏慕末二月辛酉安頡司馬楚之平滑臺癸酉車駕還宮飲至策勲告于宗廟賜留臺百官各有差戰士賜復十年定州人飢詔開倉以振之宋將檀道濟王仲德東走三月庚戌冠軍將軍安頡獻宋俘萬餘人甲兵三萬夏六月赫連定北襲沮渠蒙遜爲吐谷渾慕瓚所執閏月乙未蠕蠕國遣使朝貢詔散騎侍郎周紹使于宋秋七月己酉行幸河西起承華宮八月乙酉沮渠蒙遜遣子安

周入侍吐谷渾慕瓚遣使奉表請送赫連定己丑以慕瓚爲大將軍封西秦王九月癸丑車駕還宮庚申加太尉長孫嵩柱國大將軍以左光祿大夫崔浩爲司徒征西大將軍長孫道生爲司空癸亥詔兼太常李順持節拜西河王沮渠蒙遜爲假節加侍中都督涼州持節及西域羌戎諸軍事行征西大將軍太傅涼州牧涼王壬申詔曰范陽盧玄博陵崔綽趙郡李靈河間邢穎勃海高允廣平游雅大原張偉等皆賢雋之胄冠冕州邦有羽儀之用易曰我有好爵吾與爾縻之如玄之比隱跡衡門不曜名譽者盡敕州郡以禮發遣遂徵玄等州郡

所遣至者數百人皆差次敘用冬十月戊寅詔司徒崔浩改定律令行幸漠南十一月景辰北部敕勒莫弗庫若于率其部數萬騎驅鹿獸數百萬詣行在所帝因而大狩以賜從者勒石漠南以記功德宜城王奚斤坐事降爵爲公十二月車駕還宮

延和元年春正月景午尊保太后爲皇太后立皇后赫連氏以皇子晁爲皇太子謁于太廟大赦改元三月丁未追贈夫人賀氏爲皇后壬申西秦王吐谷渾慕瓚送赫連定於京師夏五月宋人來聘六月庚寅車駕伐和龍詔尚書左僕射安原等屯于漠南以備蠕蠕辛卯詔

兼散騎常侍鄧穎使於宋秋七月己巳車駕至和龍穿塹以守之是月築東宮九月乙卯車駕西還徙營丘成周遼東樂浪帶方玄菟六郡人三萬家于幽州開倉以振之冬十月吐谷渾慕瓚遣使朝貢十一月己巳車駕至自和龍十二月己丑馮弘子長樂公崇及其母弟朗朗弟邈以遼西內屬先是辟召賢良而州郡多逼遣之詔以禮申喻任其進退

二年春二月庚午詔兼鴻臚卿李繼持節假馮崇車騎大將軍遼西王承制聽置尚書己下壬午詔兼散騎常侍宋宣使於宋夏四月沮渠蒙遜死以其子牧犍爲車



騎將軍改封西河王六月遣永昌王健尚書左僕射安  
原督諸軍討和龍辛巳詔樂安王範發秦雍兵一萬築  
小城於長安城內秋八月遼西王馮崇上表求說降其  
父帝不聽九月宋人來聘并獻馴象一戊午詔兼大鴻  
臚卿崔躋持節拜征虜將軍楊難當爲征南大將軍儀  
同三司封南秦王冬十二月巳巳大赦天下辛未幸陰  
山北詔兼散騎常侍盧玄使於宋

三年春正月乙未車駕次于女水大饗羣臣戊戌馮弘  
遣使求和帝不許景辰南秦王楊難當尅漢中送雍州  
流人七千家于長安二月戊寅詔以頻年屢征有事西

北運輸之役百姓勤勞令郡縣括貧富以爲三級富者  
租賦如常中者復二年下窮者復三年辛卯車駕還宮  
三月甲寅行幸河西閏月甲戌秦王赫連昌叛走景子  
河西候將格殺之驗其謀反羣弟皆伏誅巳卯車駕還  
宮進彭城公栗爵爲王秋七月辛巳東宮成備置屯衛  
三分西宮之一壬午行幸美稷遂至隰城命諸軍討山  
胡白龍于河西九月戊子尅之斬白龍及其將帥屠其  
城冬十一月車駕還宮十二月甲辰行幸雲中  
太延元年春正月乙未朔日有蝕之壬午降死罪刑已  
下各一等癸未出道武明元宮人令得嫁甲申大赦改

元二月庚子蠕蠕焉耆車師各遣使朝貢詔長安及平涼人徙在京師其孤老不能自存者聽還鄉里丁未車駕還宮夏五月庚申進宜都公穆壽爲宜都王汝陰公長孫道生爲上黨王宜城公奚斤爲恒農王廣陵公婁伏連爲廣陵王遣使者二十輩使西域甲戌行幸雲中六月甲午詔曰去春小旱東作不茂憂勤剋已祈請靈祇豈朕精誠有感何報應之速雲雨震灑流澤霑渥有鄙婦人持方寸玉印詣潞縣侯孫家旣而亡去莫知所在印有三字爲龍鳥之形要妙奇巧不類人迹文曰旱疫平推尋其理蓋神靈之報應也比者以來禎瑞仍臻

甘露流液降於殿內嘉瓜合蒂生于中山野木連理殖於魏郡在先后載誕之鄉白鷺集于盛樂舊都玄鳥隨之蓋有千數嘉禾頻歲合秀於恒農白兔並見於勃海白雉三隻又集於平陽太祖之廟天降嘉貺將何德以酬之其令天下大酺五日禮報百神守宰祭界內名山大川上答天意景午高麗鄴善國並遣使朝貢秋七月田於柤陽己卯樂平王丕等五將東伐至和龍徙男女六千口而還八月景戌行幸河西粟特國遣使朝貢九月車駕還宮冬十月癸卯尚書左僕射安原謀反伏誅甲辰行幸定州次于新城宮十一月己巳校獵于廣川

景子行幸鄴祀密太后廟諸所過親問高年褒禮賢俊  
十二月癸卯遣使者以太牢祀北岳惟安獻時又為精  
二年春正月甲寅車駕還宮二月戊子馮弘遣使朝貢  
求送侍子帝不許壬辰遣使者十餘輩詣高麗東夷諸  
國詔喻之三月景辰宋人來聘辛未遣平東將軍娥清  
安西將軍古弼討馮弘弘求救於高麗高麗遣其大將  
葛募盧迎之夏四月甲寅皇子小兒苗兒並薨五月乙  
卯馮弘奔高麗戊午詔散騎常侍封撥使高麗徵送馮  
弘丁卯行幸河西赫連定之西也楊難當竊據上邽秋  
七月庚戌命樂平王丕等討之詔散騎常侍游雅使於

宋八月丁亥遣使六輩使西域帝校獵于河西詔廣平  
公張黎發定州七郡一萬二千人通莎泉道甲辰高車  
國遣使朝貢九月庚戌樂平王丕等至畧陽公難當奉  
詔攝上邽守高麗不送馮弘帝將伐之納樂平王丕計  
而止冬十一月己酉幸柤陽驅野馬於雲中置野馬苑  
閏月壬子車駕還宮乙丑改封潁川王提爲武昌王河  
西王沮渠牧犍遣使朝貢是歲吐谷渾慕瓚死  
三年春正月癸未中山王纂薨戊子太尉北平王長孫  
嵩薨乙巳丹楊王叔孫建薨二月乙卯行幸幽州存恤  
孤老問人疾苦還幸上谷遂至代所過復田租之半三

月己卯車駕還宮丁酉宋人來聘夏五月己丑詔天下吏人得舉告守令不如法者景申行幸雲中秋七月戊子使永昌王健上黨王長孫道生討山胡白龍餘黨於西河滅之八月甲辰行幸河西九月甲申車駕還宮丁酉遣使者拜西秦王慕瓚弟慕利延爲鎮西大將軍儀同三司改封西平王冬十月癸卯行幸雲中十一月壬申車駕還宮是歲河西王沮渠牧犍世子封壇來朝高麗契丹龜茲悅般焉耆車師粟特疏勒烏孫渴盤陀鄯善破洛者舌等國各遣使朝貢

四年春三月庚辰鄯善王弟素延耆來朝癸未罷沙門年五十以下江陽王根薨是月高麗殺馮弘夏五月戊寅大赦秋七月壬申車駕北伐冬十一月丁卯朔日有蝕之十二月車駕至自北伐上洛巴泉萆等相帥內附詔兼散騎常侍高雅使于宋

五年春正月庚寅行幸定州三月辛未車駕還宮庚寅以故南秦王世子楊保宗爲征南大將軍秦州牧武都王鎮上邽夏五月癸未遮逸國獻汗血馬六月甲辰車駕西討沮渠牧犍侍中宜都王穆壽輔皇太子決留臺事大將軍長樂王嵇敬輔國大將軍建寧王崇二萬人屯漠南以備蠕蠕秋七月己巳車駕至上都屬國城大

饗羣臣講武馬射壬午留輜重分部諸軍八月景申車  
駕至姑臧牧犍兄子祖踰城來降乃分軍圍之九月景  
戍牧犍與左右文武五千人面縛軍門帝解其縛待以  
藩臣之禮收其城內戶口二十餘萬倉庫珍寶不可稱  
計進張掖公禿髮保周爵爲王與龍驤將軍穆羆安遠  
將軍源賀分畧諸郡牧犍弟張掖太守宜得西奔酒泉  
太守無諱後奔晉昌樂都太守安周南奔吐谷渾戊子  
蠕蠕犯塞遂至七介山京都大駭皇太子命上黨王長  
孫道生等拒之冬十月辛酉車駕還宮徙涼州人三萬  
餘家于京師留樂平王丕征西將軍賀多羅鎮涼州癸

亥遣張掖王禿髮保周喻諸部鮮卑保周因率諸部叛  
於張掖未嘗月乙巳宋人來聘并獻馴象六十二月壬  
午車駕至自西伐飲至策勳告于宗廟楊難當寇上邽  
鎮將元勿頭討走之是歲鄯善龜茲疎勒焉耆高麗粟  
特渴盤陀破邨悉牟居等國並遣使朝貢  
太平真君元年春正月己酉沮渠無諱圍酒泉辛亥分  
遣侍臣巡行州郡觀察風俗問人疾苦二月己巳詔假  
通直常侍邢穎使於宋發長安人五千浚昆明池三月  
酒泉陷夏四月戊午朔日有蝕之庚辰沮渠無諱寇張  
掖禿髮保周屯刪丹六月丁丑皇孫濬生大赦改元秋

七月行幸陰山己丑永昌王健大破禿髮保周走之景  
申保太后竇氏崩于行宮癸丑保周自殺傳首京師八  
月甲申沮渠無諱降九月壬寅車駕還宮是歲州鎮十  
五饑詔開倉賑恤之以河南王曜子羯兒爲河間王後  
改封畧陽王平春五月己酉沮渠無諱國西泉辛亥公  
二年春正月癸卯拜沮渠無諱爲征西大將軍涼州牧  
酒泉王三月辛卯葬惠太后於崞山庚戌新興王俊畧  
陽王羯兒有罪黜爲公辛亥封蠕蠕郁久閭乞歸爲朔  
方王沮渠萬年爲張掖王夏四月丁巳宋人來聘秋八  
月辛亥詔散騎侍郎張偉使于宋九月戊戌永昌王健  
薨冬十一月庚子鎮南大將軍奚眷平酒泉十二月景  
子宋人來聘

三年春正月甲申帝至道壇親受符籙備法駕旗幟盡  
青三月壬寅北平王長孫頽有罪削爵爲侯夏四月酒  
泉王沮渠無諱走渡流沙據鄯善涼武昭王孫李寶據  
敦煌遣使內附五月行幸陰山北六月景戌楊難當朝  
於行宮先是起殿於陰山北殿成而難當至因曰廣德  
焉秋八月甲戌晦日有蝕之冬十月己卯封皇子伏羅  
爲晉王翰爲秦王譚爲燕王建爲楚王余爲吳王十二  
月辛巳大保襄城公盧魯元薨丁酉車駕還宮李寶遣

使朝貢以寶爲鎮西大將軍開府儀同三司沙州牧敦煌公王儼爲秦王駱爲燕王愔爲魯王余爲吳王十二年春正月庚午行幸中山二月景子次于恒山之陽詔有司刊石勒銘是月剋仇池三月庚申車駕還宮夏四月武都王楊保宗謀反諸將禽送京師氏羌復推保宗弟文德爲主圍仇池六月庚寅詔復人貲賦三年其田租歲輸如常牧守不得妄有徵發癸巳大閱于西郊九月辛丑行幸漠南甲辰捨輜重以輕騎襲蠕蠕分軍爲四道冬十一月甲子車駕還至朔方詔曰夫陰陽有往復四時有代謝授子任賢蓋古今不易之令典也其

令皇太子副理萬機總統百揆諸功臣勤勞日久皆當以爵歸第隨時朝請饗宴朕前論道陳謨而已不宜復煩以劇職更舉賢俊以備百官明爲科制以稱朕心十二月辛卯車駕至自北伐

五年春正月壬寅皇太子始總百揆侍中中書監宜都王穆壽司徒東都公崔浩侍中廣平公張黎侍中建興公古弼輔太子以決庶政諸上書者皆稱臣上疏儀與表同戊申詔自王公已下至於庶人私養沙門巫及金銀工巧之人在其家者皆遣詣官曹限今年二月十五日過期不出巫沙門身死主人門誅庚戌詔自三公已

下至於卿士其子息皆詣太學其百工伎巧騶卒子息當習其父兄所業不聽私立學校違者師身死主人門誅二月辛未中山王辰等八人以北伐後期斬于都南癸酉樂平王丕薨庚辰行幸廬三月戊辰大會于邯鄲遣使者四輩使西域甲辰車駕還宮夏四月乙亥太宰陽平王杜超爲帳下所殺五月丁酉行幸陰山北六月西平王吐谷渾慕利延殺其兄子緯代立緯弟叱力延等來奔乞師以叱力延爲歸義王秋八月乙丑田于河西壬午詔員外散騎常侍高濟使於宋九月帝自河西至于馬邑觀于崞川己亥車駕還宮丁未行幸漠南冬

十月癸未晉王伏羅大破慕利延慕利延走奔白蘭其部一萬三千內附十一月宋人來聘十二月景戌車駕還宮

六年春正月辛亥行幸定州引見長老存問之詔兼員外散騎常侍宋愔使于宋二月遂西幸止黨觀連理樹於玄氏至吐京討徙叛胡出配郡縣三月庚申車駕還宮詔諸有疑獄皆付中書以經義量決夏六月戊子朔日有蝕之壬辰北巡秋八月壬辰散騎常侍成周公萬度歸以輕騎至鄯善執其王真達與詣京師帝大悅厚待之車駕幸陰山北次于廣德宮詔發天下兵三取一



各當戒嚴以須後命徙諸種雜人五千餘家於北邊令  
人北徙畜牧至廣漠以餌蠕蠕壬寅征西大將軍高涼  
王邨等討吐谷渾慕利延軍到鼻頭城慕利延驅其部  
落西度流沙邨急追故西秦王慕瓚世子被囊逆軍拒  
戰邨擊破之中山公杜豐追度三危至雪山禽被囊及  
慕利延元子什歸熾盤子成龍送于京師慕利延遂西  
入于闐國九月盧水胡蓋吳聚衆反于杏城冬十一月  
高涼王邨振旅還京師庚申遼東王竇漏頭薨河東蜀  
薛永宗聚黨入汾曲西通蓋吳受其位號蓋吳自號天  
台王署百官辛未車駕還宮選六州兵勇猛者使永昌

王仁高涼王邨分領爲二道南畧淮泗以北徙青徐之  
人以實河北癸未西巡

七年春正月戊辰車駕自東雍禽薛永宗斬之其男女  
無少長皆赴水死辛未南幸汾陰蓋吳退走北地二月  
景戌幸長安存問父老丁亥幸昆明池遂田于岐山之  
陽所過誅與蓋吳通謀反害守將者三月詔諸州坑沙  
門毀諸佛像徙長安城內工巧二千家於京師夏四月  
甲申車駕至自長安戊子毀鄴城五層佛圖於泥像中  
得玉璽二其文皆曰受命於天旣壽永昌其一刻其旁  
曰魏所受漢傳國璽五月蓋吳復聚杏城自號秦地王

景戌發司幽定冀四州十萬人築畿上塞圍起土谷西  
至于河廣袤皆千里六月癸未朔日有蝕之秋八月蓋  
吳爲其下人所殺傳首京師復畧陽公羯兒王爵  
八年春正月癸未行幸中山三月河西王沮渠牧犍謀  
反伏誅夏五月車駕還宮六月西征諸將扶風公處真  
等八將坐盜沒軍資所在虜掠贓各千萬計並斬之秋  
八月樂安王範薨冬十一月侍中中書監宜都王穆壽  
薨十二月晉王伏羅薨自東魏會稽王宗傳及其民文  
九年春正月宋人來聘二月癸卯行幸定州山東人饑  
詔開倉振之罷塞圍作遂西幸上黨詔於壺關東北大

玉山累石爲三封又斬其鳳凰山南足以斷之三月車  
駕還宮夏五月甲戌以交趾公韓拔爲假征西將軍領  
護西戎校尉鄯善王鎮鄯善賦役其人比之郡縣六月  
辛酉行幸廣德宮丁卯悅般國遣使求與王師俱討蠕  
蠕帝許之秋八月詔中外諸軍戒嚴九月乙酉練兵于  
西郊景戌幸陰山是月成周公萬度歸千里驛上大破  
焉耆國其王鳩尸早邨奔龜茲冬十月辛丑恒農王奚  
斤薨癸卯以婚姻奢靡喪葬過度詔有司更爲科限癸  
亥大赦十二月詔成周公萬度歸自焉耆西討龜茲皇  
太子朝于行宮遂從北討至受降城不見蠕蠕因積糧

城內留守而還北平王長孫敦坐事降爵爲公因漸  
十年春正月戊辰朔帝在漠南大饗百寮甲戌蠕蠕吐  
賀真懼遠遁三月蒐于河西庚寅車駕還宮夏四月景  
申朔日有蝕之九月閱武於磧上遂北伐冬十月庚子  
皇太子及羣官奉迎於行宮十二月戊申車駕至自北  
伐已酉以平昌公託真爲中山王

十一年春正月乙丑行幸洛陽所過郡國皆親對高年  
存恤孤寡二月甲午大蒐於梁山皇子真薨是月大修  
宮室皇太子居于北宮車駕遂征懸瓠夏四月癸卯車  
駕還宮賜從者及留臺郎吏已上生口各有差六月己

亥誅司徒崔浩辛丑北巡陰山秋七月宋將王玄謨攻  
滑臺八月辛亥田于河西癸未練兵於西郊九月辛卯  
車駕南伐癸巳皇太子北伐屯於漠南吳王余留守京  
都庚子曲赦定冀相三州死罪已下冬十月乙丑車駕  
濟河玄謨棄軍而走乃命諸將分道並進車駕自中道  
十一月辛卯至鄒山使使者以太牢祀孔子是月頰盾  
國獻師子六十二月丁卯車駕至淮詔刈藿葦作筏數  
萬而濟淮南皆降癸未車駕臨江起行宮於瓜步山諸  
軍同日皆臨江所過城邑莫不望塵奔潰其降附者不  
可勝數甲申宋文帝使獻百牢貢其方物又請進女於

皇孫以求和好帝以師婚非禮許和而不許婚使散騎  
侍郎夏侯野報之帝詔皇孫爲書致馬通問焉  
正平元年春正月景戌朔大會羣臣於江上文武受爵  
者二百餘人丁亥車駕北旋二月癸未次于魯口皇太  
子朝於行宮三月己亥車駕至自南伐飲至策勲告於  
宗廟以降人五萬餘家分置近畿賜留臺文武所獲軍  
資生口各有差夏五月壬寅大赦六月壬戌改元車師  
國王遣子入侍詔以刑網太密犯者更衆命有司其案  
律令務求厥中自餘有不便於人者依比增損詔太子  
少傅游雅中書侍郎胡方回等改定律制畧陽王羯兒

高涼王邠有罪賜死戊辰皇太子薨壬申葬景穆太子  
於金陵秋七月丁亥行幸陰山省諸曹吏員三分之一  
九月癸巳車駕還宮冬十月庚申行幸陰山宋人來聘  
詔殿中將軍郎法祐使於宋己巳司空上黨王長孫道  
生薨十二月丁丑車駕還宮封皇孫濬爲高陽王尋以  
皇孫世嫡不宜在藩乃止改封秦王翰爲東平王燕王  
譚爲臨淮王楚王建爲廣陽王吳王余爲南安王  
二年春正月庚辰朔南來降人五千餘家於中山謀叛  
州軍討平之冀州刺史張掖王沮渠萬年與降人通謀  
賜死三月甲寅中常侍宗愛構逆帝崩於永安宮時年

四十五祕不發喪愛又矯皇后令殺東平王翰迎南安  
王余立大赦改元爲永平尊諡曰太武皇帝葬於雲中  
金陵廟號世祖帝生不逮密太后及有所識言則悲慟  
哀感傍人明元聞而嘉歎及明元不豫衣不釋帶性清  
儉率素服御飲膳取給而已不好珍麗食不二味所幸  
昭儀貴人衣無兼綵羣臣白帝更峻京邑城隍以從周  
易設險之義又陳蕭何壯麗之說帝曰古人有言在德  
不在險屈丐蒸土築城而朕滅之豈在城也今天下未  
平方須人力土功之事朕所未爲蕭何之對非雅言也  
每以財者軍國之本無所輕費至於賞賜皆是勲績之

家親戚愛寵未嘗橫有所及臨敵常與士卒同在矢石  
間左右死傷者相繼而帝神色自若是以人思效命所  
向無前命將出師指授節度從命者無不制勝違爽者  
率多敗失性又知人拔士於卒伍之中唯其才效所長  
不論本末兼甚嚴斷明於刑賞功者賞不遺賤罪者刑  
不避親雖寵愛之終不虧法常曰法者朕與天下共之  
何敢輕也故大臣犯法無所寬假雅長聽察瞬息之間  
下無以措其姦隱然果於誅戮後多悔之司徒崔浩死  
後帝北伐時宣城公李孝伯疾篤傳者以爲卒帝聞而  
悼之謂左右曰李宣城可惜又曰朕向失言崔司徒可

惜李宣城可哀褒貶雅意皆此類也向大言對同封西  
景穆皇帝諱晃太武皇帝之長子也母曰賀夫人延和  
元年正月景午立爲皇太子時年五歲明慧強識聞則  
不忘及長好讀經史皆通大義太武甚奇之及西征涼  
州皇太子監國初太武之伐河西李順等咸言姑臧無  
水草不可行師太子有疑色及車駕至姑臧乃詔太子  
曰姑臧城東西門外涌泉合於城北其大如河澤草茂  
盛可供大軍數年人之多言亦可惡也太子謂宮臣曰  
爲人臣不實若此豈是忠乎吾初聞有疑但帝決行耳  
幾誤人大事言者復何面目見帝也真君四年從征蠕

蠕至鹿渾谷與賊遇虜惶怖擾亂太子言於太武曰宜  
速進擊掩其不備尚書令劉潔固諫以爲塵盛賊多須  
軍大集太子曰此由賊懼擾何有營上而有此塵太武  
疑之遂不急擊蠕蠕遠遁旣而獲虜候騎乃云不覺官  
軍卒至上下惶懼北走經六七日知無追者乃徐行帝  
深恨之自是太子所言軍國大事多見納用遂知萬機  
及監國命有司使百姓有牛家以人牛相質又禁飲酒  
雜戲棄本沽販者於是墾田大增正平元年六月戊辰  
薨於東宮時年二十四庚午命持節兼太尉張黎兼司  
空竇瑾奉策卽柩謚景穆太子文成卽位追尊爲景穆

皇帝廟號恭宗

高宗文成皇帝諱濬景穆皇帝之長子也母曰閭氏真君元年六月生於東宮帝少聰達太武常置左右號世嫡皇孫年五歲太武北巡帝從在後逢虜帥桎一奴將加罰帝謂曰奴今遭我汝宜釋之帥奉命解縛太武聞之曰此兒雖少欲以天子自處意奇之及長風格異常每參決大政可否正平二年三月中常侍宗愛弒逆立南安王余十月景午朔又賊余於是殿中尚書長孫渴侯與尚書陸麗奉迎世嫡皇孫

興安元年冬十月戊申皇帝卽位於永安前殿大赦改

元正平二年爲興安以驃騎大將軍元壽樂爲太宰都督中外諸軍錄尚書事以尚書長孫渴侯爲尚書令儀同三司十一月景子二人爭權並賜死癸未廣陽王建臨淮王譚薨甲申皇妣閭氏薨進平南將軍宋子侯周怩爵爲樂陵王南部尚書常安子陸麗爲平原王文武各加位一等壬寅追尊皇考景穆太子爲景穆皇帝妣閭氏爲恭皇后尊保母常氏爲保太后十二月戊申祔葬恭皇后於金陵乙卯初復佛法丁巳以樂陵王周怩爲太尉平原王陸麗爲司徒鎮西將軍杜元寶爲司空保達沙獵等國各遣使朝貢戊寅進建業公陸侯爵爲

東平王進廣平公杜遺爵爲王癸亥詔以營州蝗開倉振恤甲子太尉樂陵王周怵有罪賜死進濮陽公閻若文爵爲王封金刻了限限封七日以樂列王周出二年春正月辛巳進司空杜元寶爵爲京兆王廣平王杜遺薨進尚書僕射東安公劉尼爵爲王封建寧王崇子麗爲濟南王癸未詔與百姓雜調十五景戌進尚書西平公源賀爵爲王二月己未司空京兆王杜元寶謀反伏誅建寧王崇崇子濟南王麗爲元寶所引各賜死乙丑發京師五千人穿天泉池是月宋太子劭殺文帝三月尊保太后爲皇太后進安豐公閻武皮爵爲河間

王夏五月宋孝武帝殺太子劭而自立閏月乙亥太皇太后赫連氏崩秋七月辛亥行幸陰山濮陽王閻若文永昌王仁謀反乙卯仁賜死若文伏誅己巳車駕還宮是月築馬射臺於南郊八月戊戌詔曰朕卽位以來風雨順序邊方無事衆瑞兼呈又於苑內獲方寸玉印其文曰子孫長壽羣公卿士咸曰休哉豈朕一人克臻斯應實由天地祖宗降祐之所致也思與兆庶共茲嘉慶其令百姓大酺三日降殊死已下囚九月壬子閱武於南郊冬十一月辛酉行幸信都中山觀察風俗十二月甲午車駕還宮復北平公長孫敦王爵是歲疎勒渴盤





竝爲王冬十月甲申車駕還宮甲午曲赦京師十一月  
改封西平王源賀隴西王噉噉普嵐等國各遣使朝貢  
三年春正月徵漁陽公尉眷拜太尉進爵爲王錄尚書  
事夏五月封皇弟新成爲陽平王六月癸卯行幸陰山  
秋八月田於陰山之北己亥還宮冬十月將東巡詔太  
宰常英起行宮於遼西黃山十二月州鎮五蝗百姓饑  
使開倉振給之是歲粟特于闐等五十餘國竝遣使朝  
貢

四年春正月景午朔初設酒禁乙卯行幸廣寧溫泉宮  
遂東巡庚午至遼西黃山宮遊宴數日親對高年勞問

疾苦二月景子登碣石山觀滄海大饗羣臣於山上班  
賞進爵各有差改碣石山爲樂遊山築壇記行於海濱  
戊寅南幸信都田於廣川三月丁未觀馬射於中山所  
過郡國賜復一年景辰車駕還宮起太華殿乙丑東平  
王陸侯薨夏五月壬戌詔曰比年以來雜調減省而所  
在州郡咸有逋懸非在職之官綏導失所貪穢過度誰  
使之然自今常調不充人不安業宰人之徒加以死罪  
六月景申田於松山秋七月庚午行幸河西九月丁巳  
還宮辛亥太華殿成景寅饗羣臣大赦冬十月甲戌北  
巡至陰山有故冢毀廢詔曰昔姬文葬枯骨天下歸仁

自今有穿墳壠者斬之辛卯次于車輪山累石記行十一月車駕渡漠蠕蠕絕迹遠遁十二月中山王託真薨五年春二月己酉司空河南公伊馘薨三月庚寅曲赦京師死罪已下夏四月乙巳封皇弟子推爲京兆王五月居常國遣使朝貢六月戊申行幸陰山秋八月庚戌遂幸雲中壬戌還宮九月戊辰儀同三司敦煌公李寶薨冬十二月戊申詔以六鎮雲中高平二雍秦州徧遇災旱年穀不收開倉振乏有徙流者喻還桑梓

和平元年春正月甲子朔大赦改元庚午詔散騎侍郎馮闡使於宋夏四月戊戌皇太后常氏崩於壽安宮五月

癸酉葬昭太后於廣寧鳴雞山六月甲午詔征西大將軍陽平王新成等討吐谷渾什寅崔浩之誅也史官遂廢至是復置秋七月西征諸軍至西平什寅走保南山九月庚申朔日有蝕之是月諸軍濟河追什寅遇瘴氣多病疫乃引還庚午車駕還宮冬十月居常王獻馴象三十一月詔散騎侍郎盧度世使於宋

二年春正月乙酉詔曰刺史牧人爲萬里之表自頃每因發調逼人假貸大商富賈要射時利上下通同分以潤屋爲政之弊莫過於此其一切禁絕犯者十疋以上皆死布告天下咸令知禁二月行幸中山遂幸信都三

月宋人來聘車駕所過皆親對高年問疾苦詔年八十  
一子不從役靈丘南有山高四百餘丈乃詔羣臣仰射  
山峯無能踰者帝彎弧發矢出三十餘丈過山南二百  
二十步遂刊石勒銘是月發并肆州五千餘人脩河西  
獵道辛巳車駕還宮夏四月乙未河東王閭毗薨五月  
癸未詔南部尚書黃盧頭李敷業考課諸州秋七月戊  
寅封皇弟小新成爲濟陰王天賜爲汝陰王萬壽爲樂  
良王洛侯爲廣平王八月波斯國遣使朝貢冬十月詔  
假員外散騎常侍游明根使于宋廣平王洛侯薨  
三年春正月壬午以東郡公乙渾爲太原王癸未樂良

王萬壽薨二月壬子朔日有蝕之癸酉田於崞山遂觀  
漁于旋鴻池三月甲申宋人來聘高麗王契嚙思厭  
於師䟽勒石那悉居半渴盤陁等國並遣使朝貢夏六  
月庚申行幸陰山秋七月壬寅幸河西九月壬辰常山  
王素薨冬十月詔員外散騎常侍游明根使于宋十一  
月壬寅車駕還宮十二月乙卯制戰陣之法十有餘條  
因大讎曜兵有飛龍騰虵魚麗之變以示威武戊午零  
陵王閭拔薨  
四年春三月乙未賜京師人年七十以上太官厨食以  
終其年皇子胡仁薨追封樂陵王夏四月癸亥上幸西

苑親射猛獸三頭五月壬辰侍中漁陽王尉眷薨壬寅  
行幸陰山秋七月壬午詔曰朕每歲閑月命羣臣講武  
所幸之處必立宮壇糜費之功勞損非一宜仍舊貫何  
必改作也八月景寅遂田于河西九月辛巳車駕還宮  
冬十月以定相二州霽霜傷稼免其田租詔員外散騎  
常侍游明根使於宋十二月辛丑詔以喪葬嫁娶大禮  
未備命有司爲之條格使貴賤有章上下咸序著之于  
令壬寅詔曰婚姻者人道之始比者以來貴族之門多  
不率法或貪利財賂或因緣私好在於苟合無所擇選  
塵穢清化虧損人倫將何以宣示典謨垂之來裔今制  
皇族師傅王公侯伯及士庶之家不得與百工伎巧卑  
姓爲婚犯者加罪

五年春正月丁亥封皇弟雲爲任城王二月詔以州鎮  
十四去歲蟲水開倉振恤夏四月癸卯進封頓丘公李  
峻爲王閏月戊子帝以早故減膳責身是夜澍雨大降  
五月宋孝武帝殂六月丁亥行幸陰山秋七月壬寅行  
幸河西九月辛丑車駕還宮冬十月琅邪侯司馬楚之  
薨十二月南秦王楊難當薨吐呼羅國遣使朝貢  
六年春正月景申大赦二月丁丑行幸樓煩宮高麗徒  
王對舅等國各遣使朝貢三月戊戌相州刺史西平郡

王吐谷渾權薨乙巳車駕還宮夏四月破洛邨國獻汗  
血馬普嵐國獻寶劔五月癸卯帝崩于太華殿時年二  
十六六月景寅奉尊謚曰文成皇帝廟號高宗八月葬  
雲中之金陵辛丑車駕還宮冬十月葬于同馬營之  
顯祖獻文皇帝諱弘文成皇帝之長子也母曰李貴人  
興光元年七月生於陰山之北太安二年二月立爲皇  
太子和平六年五月甲辰卽皇帝位大赦尊皇后曰皇  
太后車騎大將軍乙渾矯詔殺尚書楊保年平陽公賈  
愛仁南陽公張天度于禁中戊申司徒公平原王陸麗  
自湯泉入朝又殺之己酉以渾爲太尉公以錄尚書事

東安王劉尼爲司徒公以尚書左僕射和其奴爲司空  
公六月封繁陽侯李嶷爲丹楊王征東大將軍馮熙爲  
昌黎王秋七月癸巳以太尉乙渾爲丞相位居諸王上  
事無大小皆決焉九月庚子曲赦京師景午詔曰先朝  
以州牧親人宜置良佐故敕有司班九條之制使前政  
選吏以待後人然牧司舉非其人憊于典度今制刺史  
守宰到官之日仰自舉人望忠信以爲選官不論前政  
共相平置若簡任失所以罔上論是月宋義陽王劉昶  
自彭城來奔冬十月徵陽平王新成京兆王子推濟陰  
王小新成汝陰王天賜任城王雲入朝十一月宋湘東

王彧殺其主子業而自立。天安元年春正月乙丑朔大赦改元。二月庚申丞相太原王乙渾謀反伏誅。乙亥以侍中元孔雀爲濮陽王。侍中陸定國爲東郡王。三月庚子以隴西王源賀爲太尉。公辛丑高宗文成皇帝神主祔于太廟。辛亥帝幸道壇親受符籙。曲赦京師。秋九月己酉初立鄉學。郡置博士二人助教。三人學生六十人。冬十二月皇弟安平王薨。是歲州鎮十一。旱人飢開倉振恤。

皇興元年春正月癸巳鎮南大將軍尉元大破宋將張永沈攸之於呂梁。東宋人來聘。庚子東平王道符謀反於長安。其司馬段大陽斬之。傳首京師。道符兄弟皆伏誅。閏月以頓丘王李峻爲太宰。二月濟陰王小新成薨。宋東平太守申纂戍無鹽。遏絕王使。詔征南大將軍慕容白曜督諸軍往討。三月甲寅剋之。秋八月丁酉幸武州山石窟寺。戊申皇子宏生。大赦改元。九月己巳進馮翊公李白爲梁郡王。冬十月己亥朔日有蝕之。癸卯田於邠。男池濮陽王孔雀坐怠慢降爲公。二年春二月癸未田于西山。親射武豹。三月慕容白曜進圍東陽。戊午宋人來聘。夏四月景子朔日有蝕之。辛丑進南郡公李惠爵爲王。五月乙卯田于崞山。遂幸繁

時辛酉車駕還宮六月庚辰以河南關地曲赦京師殊死已下以昌黎王馮熙爲太傅秋九月辛亥封皇叔禎爲南安王長壽爲城陽王太洛爲章武王休爲安定王冬十月癸酉朔日有蝕之辛丑田于冷泉十一月州鎮二十七水旱詔開倉振恤十二月甲午詔曰頃張永敢拒王威暴骨原隰天下之人一也其永軍殘廢之士聽還江南露骸草莽者敕州縣收瘞之

三年春正月乙丑東陽潰虜沈文秀戊辰司空平昌公和其奴薨二月己卯進上黨公慕容白曜爵爲濟南王夏四月壬辰宋人來聘景申名皇子宏太赦丁酉田于

崞山五月徙青齊人於京師六月辛未立皇子宏爲皇太子冬十月丁酉朔日有蝕之是月太宰頓丘王李峻薨十一月進襄城公韓頽爵爲王

四年春正月州鎮大飢詔開倉振恤二月以東郡王陸定國爲司空公詔征西大將軍上黨王長孫觀討吐谷渾什寅廣陽王石侯薨三月景戌詔天下人病者所在官司遣鑿就家診視所須藥任鑿所量給之夏四月辛丑大赦戊申長孫觀軍至曼頭山大破什寅五月封皇弟長樂爲建昌王六月宋人來聘秋八月蠕蠕犯塞九月景寅車駕北伐諸將俱會于女水大破虜軍司徒東



安公劉尼坐事免壬申車駕至自北伐飲至策勲告于宗廟冬十月誅濟南王慕容白曜高平公李敷十一月詔弛山澤禁十二月甲辰幸鹿野苑石窟寺陽平王新成薨

五年春二月乙亥詔假員外散騎常侍邢祐使于宋夏四月北平王長孫敦薨六月丁未行幸河西秋七月景寅遂至陰山八月丁亥車駕還宮帝幼而神武聰叡機悟有濟人之規仁孝純至禮敬師友及卽位雅薄時務常有遺世之心欲禪位于叔父京兆王子推羣臣固請乃止景午使太保建安王陸馱太尉源賀奉皇帝璽綬

冊命皇太子升帝位於是羣公奏上尊號太上皇帝己酉太上皇帝徙御崇光宮采椽不斲土階而已國之大事咸以聞承明元年文明太后有憾帝崩於永安殿年二十三上尊諡曰獻文皇帝廟號顯祖葬雲中金陵論曰太武聰明雄斷威靈傑立藉二世之資奮征伐之氣遂戎軒四出周旋夷險平秦隴掃統萬翦遼海蕩河源南夷荷擔北蠕絕迹廓定四表混一華戎其爲武功也大矣遂使有魏之業光邁百王豈非神叡經綸事當命世至於初則東儲不終末乃豐成所忽固本貽防殆弗思乎景穆明德令聞夙世殂天其戾園之悼歟文成

屬太武之後內頗虛耗既而國豐時艱朝野楚楚帝與時消息靜以鎮之養威布德懷緝中外自非機悟深裕矜濟爲心亦何能若此可謂有君人之度矣獻文聰叡夙成兼資雄斷故能更清漠野大啓南服而早有厭世之心終致宮闈之變將天意也

北史卷二

北史卷二考證

世祖太武皇帝紀初造新字千餘○字監本作字蓋以上文營造萬壽宮永安安樂二殿臨望觀九華堂而訛也今改從魏書

將軍丘堆先在安定○堆監本訛惟今改從本傳赫連定弟社于度洛孤面縛出降平涼收其珍寶○魏書平涼下有平字

八月乙酉沮渠蒙遜遣子安周入侍○乙監本訛已今据上文秋七月己酉并從魏書改正  
延和元年○延監本訛廷今改正

北史卷二考訂  
太延元年春正月乙未。臣人龍按以下文壬午癸未

甲申等日計之則此乙未當係辛未之訛

牧犍弟張掖太守宜得西奔酒泉太守無諱後奔晉昌

○臣人龍

按魏書宜得西奔酒泉魏將奚眷討之牧

赫犍弟酒泉太守無諱復奔晉昌此處疑有訛字

禽被囊及慕利延元子什歸。元魏書作兄

八年春正月癸未行幸中山。據魏書乃二月癸未延

壽刪上數行乃致訛耳

乃命諸將分道並進車駕自中道。中魏書作印蓋以

高涼王邠有罪。涼監本訛梁今改正

改元爲永平。永監本訛承承平係高祖年號今改正

高祖文成皇帝紀五月居常國遣使朝貢。居常監本

訛常居今從下文有居常王獻馴象改正

以東郡公乙渾爲太原王。原監本訛源今改正

顯祖獻文皇帝紀使前政選吏以待後人。後人魏書

作俊又又下文不論前政共相平置魏書作不聽前

政共相干昌

延興年

并封父及不支不食所及共下

應縣文皇皇帝

以東歷太子

精常

高祖文皇

北史卷二考證



